

KUPWA KUMESO EYI



Ngwakusakwilila, Ndumbu walunga Neville, echa Mwata akukisule chikuma.

Kaha chingoloshi chamwaza, masepa. Elu lunapu lusesa lwamwaza hakukinduluka hano muli yino zuvo ufukuuno, kaha kwivwa Kumeso a Mwata wetu, nge omu Ikiye ahanyine lushiko. Kaha jino, Ngunatachikiza nge enu vavavulu mwatwama ha Mujimbu waundende ufuku uno, mwomwo Nguli wakusakwilila. Kaha vavavulu muli enu mwatela kwendesa nakuya kwakusuku ufukuuno, kuya kwimbo. Vamwe munafumu lyehi mujizuvo javangeji, nge omu Ngunevushisa. Kaha etu katweshi nakuya nakweseka nakumishimbwisako chikuma, shikaho uze ukiko mulonga etu tunejila nakulivanga mangana etu tuhasa kuya washi.

² Kaha jino etu natuya, haze vene Ngunahase, Nanguya nakuvilika omwo etu natuya pamo nakuputuka, Ngukwechi kungusanyika na musana uno, kutachikiza omu etu twapwile nakuya nakuputuka hali eyi mikanda, mokomoko etu tupetulu. Kaha Ngwashinganyeka, kachi Mwata netavila, Ngwatondo kumbata, lwola lukwavo luze etu tuputuke, ha Tutachikijilo Tutanu natuvali cha Kusoloka, kaha tutachikijilo tutanu natuvali. Kaha, jino kachi etu natupwa kuhichila mulwola, kumbata tutachikijilo tutanu natuvali kunyima ya Mukanda, talenu. Jino, chize chinahase kumbata lwola lwalundende. Talenu, kuze kuli tutachikijilo tutanu natuvali twakusokolola; kuli misongo yitanu nayivali, jindolombita jitanu najivali, vyosena vitanu navivali; kaha tuze tutachikijilo tukiko natumbata chatete. Oloze jino hanyima ya Mukanda vaujika na tutachikijilo tutanu natuvali. Ndanyeleye evwile mazu, mikalateta, kaha vamukanyishile kusoneka. Yowano vamukanyishile kujisoneka. Oloze wapwile wakujika kunyima ya Mukanda, nge ngachize, hanyima ya mangana akuswamana a Mukanda vanajihane na kulisolola. Enu talisenu Ndanyeleye ambile ngwenyi kuze, “Mangana akuswamana mumakumbi a mazu awa, mangana akusweka a Kalunga atelele kuwafukununa halwola luze.” Talenu, “mangana akuswamana,” ou Kalunga napu chumamuka, omu Ikiye vamutengele nakupwa musonyi, vyuma vyosena vyatela kuvivungununa ha lwola luze. Kaha jino—jino etu tuli vakulizanga ha Tutachikijilo Tutanu natuvali kusali ya Mukanda, chize kachasolwele kuli muthu ko, keshi kusoneka mu Mbimbiliya ko, oloze vakiko navaya nakupwa vene na kupezalisa na Mbimbiliya yosena, kaha Ngwashinganyeka nachiya nakupwa chuma chachinene.

³ Shikaho jino etu natuya nakweseka kuzangula kuhita. Ngwasakwilila enu vosena ha likoji lyove na kupwa chove,

kaha—kaha vyosena ove unalingi, etu twasakwilila chikuma chikuma. Kaha jino Nguli—Nguli nakufwelela nge etu katweshi kuhasa kumitulika chikumako ufukuuno, mwomwo ove uli wakuunda kutwama, imana. Pwevo lyami ambile ngwenyi kunyima kuze, ikiye apwile nakuhanjika ha ufuku unahichi, ikiye ambile ngwenyi, “Ngunamono mapwevo uze apwile wamunene, kwimana kuze, kaha uvwalo wavo kupwa wakuzova, kwimana kuze, kukwata kala Lizu.” Ou ukiko mulonga Ngwazanga kutwama mwishi ya kuwavisa cha Shipilitu Wajila, lize omu enu namwiza nakulovoka nakuvalweka vakiko vatrhu kupwa vakushishika na Muchano, talenu, kaha kuhona kupwa na chuma shina Muchano. Kaha jino vakiko vanahase kuhaka kuli Chize kaha nachiya nakupwa chakwoloka.

⁴ Jino Ngwatondo kuhula kulikonekela chove ha tando yayindende. Ngwasele chindende chimene chino. Kaha jize jitepu kujima lwola luno, kaha Nguli—Nguli kaha mulwola lwalundende Nguli nakulweka vakakukopa omu hakukusokolola tepu. Ngwatondo kukumisa *Kulava nakushikumwisa*, minyutu yitanu hali echi, shimu kanda Nguseze. Ngwavulyami kaha kufumako, Vangumbachile nakuya na chimene palanga Ngwayile chakuzeneka kuhanjika kalachuma hali chize. Oloze, Ngwasele ove, “Nyi kulava nakushiikumwisa chika?” Talenu? Ngunatachikiza etu tuli mukulava nakushikumwisa, oloze kulava nakushikumwisa chili chika? Talenu? Kachi enu kamwatachikijileko chumamuka mwakulavila nakushikumwisa, jino enu namuya nakupwa muchimbalanganyi. Kaha shikaho Ngwa—Ngwakatonda ku—kuneha chize, kupwa kaha, kaha kweseka kupwa nahanjikiso yoyimwe ize Ngwapwilenga nakukumisa eyi tepu jino, shikaho eyi tepu kuya nakulovoka, *Kulava nakushikumwisa*. Jino enu vosena namuya nakungukonekela hatando yayindende, kaha Ngwatondo kukumisa eyi tepu. Enu munahase kuchilinga hatando yayindende, kahajino etu natuya nakuputuka kusali ikwavo? [Chikungulwilo ngwacho “Amena.”—Muka.] Kaha jino—jino eli likina lyakukopa, kachi ove muhasa, veta ha tepu jino. [Hatepu hapimbi—Muka.]

[Ndumbu walunga Branham kulumbununa mu chihanda 4-5 muze ikiye ahakilemo chihanda cha chuma chize engishilemo muze mukutangisa cha chimene kuvaluka *Kulava nakushikumwisa*, kupwa ha chihanda cha 106-111—Muka.]

⁵ Kwiza kaha kufuma muvihela vyakuhandunuka, kaha etu twapwanga na lwola lwalunene mu mijimbu yitatu, kuhanjika ha mutwe wachihande wa—wa kunangula chakuhandunuka na vyangocho vize etu tunatulika. Ngunanuka halwola luno Nguli nakuhana lihanya lyalindende muze, enu vathu ha tepu, hakwalumuna kuze ha tepu yenu. Nanguya nakumilweka omwo wakulizanga kwalumuka. Chosena chakwoloka. Jino, Ngwatela kutala echi. Echi chinasoloka nge lizavu lya chisemwa, oloze

vaze vanyike vamaunga vatela kumbata eyi tepu. Kaha vakiko kaveshi kuhasa kulipihisako; kachi vakiko navalinga, vathu kuze kaveshi kuhasa kwivwushisako. Shikaho etu twatela kumbata echi mujila eyi. Kaha kachi mthuumwe mwaya nakufuma mukapete na kungulweka kuze, Nswana, omu vakiko kupwa vakulizanga kupwa na jitepu kuhita haze. Ngwasakwilila chikuma, masepa, Nanguhanjika cheka, ha likoji lyove na vyuma vyosena. Chosena chakwoloka, etu tuli vakulizanga jino, enu munahase kuvalumuna.

⁶ Ou Mwata akukisule. Etu twawahilila kupwa hano mu mbalaka cheka ufukuuno. Chize chihela kupwa chakuzala na vathu vavavulu kwimana kuze nakujinguluka cheka ufukuuno, na makumbi atatu a . . . mokomoko kutanga kapapa katatu. Ngunazange chize kachi kalamuthu kwivwulila kuli eyi tepu, nge vakiko vanazange kuya nakukinduluka kaha kupwa na tepu yamakumishilo ufuku unahichi. Yitange muzuvo yove. Echi chili—chili kwimana haseteko ya milomo ize Mwata nanguhane yami. Chikumanyi nge Ngunatondo vakakuzata kwivwulila chize shimbu kanda Ngunatambukile mauka avo chipwe kwiza kumazuvo avo. Jino Ngunatondo vakiko kupwa—kupwa na chize. Jino, chimene chino etu twahanjikile ha mutwe wachihande wa *Kulava nakushikumwisa*, Liuka lili lyakulizanga kuseza.

⁷ Kaha jino ufukuuno, Kalunga netavila, etu tuli nakuhanjika ha mutwe wachihande wa *Kupwa Kumeso Eyi*. Kaha, mamalelo, omu etu twasakwilila Kalunga ha lisesa nge etu tunahase kwiza na Kupwa Kumeso Eyi. Oloze, chatete, Ngwatondo enu vosena kufukununa mu Jimbimbiliya na yami kuli kapolofweto Isaya, kapetulu 6 wa kapolofweto Isaya. Etu vosena tunatachikiza nge Isaya apwilenga kapolofweto wamunene, kaha umwe hali tupolofweto vavanene va likumbi linyeni. Ikiye akumishile chiyoyelo chenye hakumupula hawali napoko yamazomazo, kupwa unjiho, nge mukakufwila ha ngolo ja Kalunga Wakulitulaho. Mu Mukanda wa Isaya, kapetulu 6, Nanguputukile ha vasi 5, kutanga. “Kahajino ngwenyi Yami, ‘Mamalelo yami!’ Mwomwo . . .” Pamo Nanguputuka na vasi 1. Echa tukonekele tando yayindende. Echa tuputuke ha vasi 1 na kutanga palanga ha vasi 8.

Mu mwaka uze mwangana Ujiya afwile Ngwamwene nawa Mwata natwame ha litanda, helu hakuzunduka, kaha jisanya jenyi jasulishile tembele.

Helu linyeni hehemanyine vaselefwe: umwe naumwe kupwa namavava atanu nalimwe; alifwikile mavava avali kumeso, alifwikile mavava avali kumahinji, atukile na mavava avali.

Kaha umwe atambakanyine kuli mukwavo, kaha ngwenyi, YEHOVA Kalunga wamayongomena, wajila,

wajila, wajila: kaha kumavu kwosena kuli upahu wenyi.

Vihela vyamikwilichi vyalinyikile ha lizu lyayauze atambakanyine, kaha zuvo yasulile nawishi.

Kaha ngwambile Ngwami, Mama lelo hali Ami! Ngunafwene; mwomwo Ngumuthu ngukwechi mivumbo yayipi, kaha Ngwatwama muli vathu... vakwechi mivumbo yayipi: mwomwo meso ami anamumono Mwangana, YEHOVA wamayongomena.

Jino kuli vase vaselefwe kwatukile umwe nakwiza kuli yami, apwile nalikala lyakakahya mulivoko lyenyi, alingile hanalifumisa lyehi nalumanya kulijiko lyakulumbila:

Kaha ikiye alinangikile hakanwa kami, kaha angwambile ngwenyi, Tala, eli linakwate aha hamivumbo yove; kuhenga chove vanakufumisacho, shili jove vanakufwikilayo.

Nawa Ngwevwile lizu lya Mwata, hakwamba ngwenyi, Hiya Nangutumeya, ou mwatuyileya? Kaha Ngwamakumbulwile ngwami, Yami uno; ngutumenu.

⁸ Echa Mwata akisule Lizu Lyenyi. Ngwashingtonyeka nge chinapu Chisoneka chakuveta chikuma. Etu tunawane nge, Kumeso a Kalunga, malunga kutachikiza vavene kupwa vakashili. Etu tunahase kwivwa kanawa omu etu tuli nakulovoka nakuya kuvihela vyakuhandunuka, kaha kwivwa nge etu tunapu vathu vamwaza, oloze omwo etu natwiza Kumeso a Kalunga, kahajino etu twamono omu tuli vavandende.

⁹ Kwimana keshi kunyima chikumako na—na sepa lyami uze Ngwapwile na lisesa lya kutwaminyina kuli Kulishitu, Bert Call, helu muze mu New Hampshire, mukwetu muunyanga, Etu twapwile tunema kuze ku Cold Brook Falls kuze ku Adirondack, kaha yapwile pola yayinene. Ngwambachile chisaka chami mwaka unahichi kuze nakutala hali chize. Mujila yakukinduluka, ove watela kuyina nakukinduluka kunyima nakupwa kuze. Kaha omu etu twamona aze meya amafwo amatamba kuhuingununa na ngolo kana kuya kuze mujipili, kaha kuchika malolwa, Bert kwimana kuze na kutala hali yami, kaha ikiye kuhanjika, “Gee, Billy, cheji kulingisa muthu kwivwa *chikuma* wamundende,” ikiye kupwa nge pamo chimbwa cha inch hamunwe. Kaha Ngwambile ngwami, “Echi chakwoloka, Bert.” Jino, chize chikiko ikiye atachikijile kwingila Kumeso a Kalunga, kumona tengeso Zenyi.

¹⁰ Ngwalikomokela uze lunga asonekele *Ngwalikomokela Hakumona Ove*, kachi ikiye katalile haze ufuku umwe na kutala hali vatanganyika, vapwile kwakusuku kulih! Tukweji vavandende kunyima okwo, Ndumbu walunga Fred, Ndumbu walunga Wood na Yami, twapwile tunemana na Ndumbu walunga Mc Anally kulovoka muze mupambo ya Arizona, etu

twapwilenga nakupima, kweseka, tanganyika yimwe, omu chili hakamwihi nakuli veka. Kaha na jimiliyoni na jimbiliyoni ya jimayilosi, vakiko kavatalile ha chimbwa cha inch kufuma kuli umwe namukwavo. Kahajino etu twaputukile kushinganyeka, kutesekesa na sayasi kwinjikiza chize, vaze vatanganyika vali vene kwakusuku kufuma kuli umwe namukwavo kuhambakana veka. Talenu hali echi?

¹¹ Jino etu kutachikiza omu twapwa vavandende omu etu kutachikiza omu Ikiye apwa wamunene, kaha omu twapandama kwiza nakwingila nakwiza Kumeso Eyi. Kumwe mokomoko mukwavo, chinapu lwola lwosena kumbila ngolo jajinene hali vathu kwiza Kumeso a Kalunga. Ngunamono lwola mu mulimo wami omwo enu namuya nakumona Kupwa Kumeso a Kalunga kwiza muchihela kana nge chili nakupwa nakuneha muthu helu na kupwa nakusolola chiyoyelo kuli veka, kaha kuvuluka jishili javo lwola lwosena kupwa muvilinga vyakuzeneka kutela, kaha neha chuma kana chakujila mukachi kavathu palanga vakiko kuholoka mumukana wakulombela shimbu kanda vakiko kwiza nakupwa vakulombela, kaha kulaha kukamenga na kupwa vakwoloka na Kalunga shimbu kanda vakiko vezenga Kumeso Eyi. Talenu, kuli chuma chimwe chili nakwiza Kumeso a Kalunga, cheji kulingisa vyuma kusoloka. Ngunamono vathu kupwa muze mumuhela na mikombo.

¹² Uze ufuku kuze ku Mexico, omwo uze kema wamundende nasavala mwishi ya lipayi, nge mama wa Spanish kuneha, mokomoko wamundende mama Mexican, chipwe, kumukulisa. Omu vakiko vamwene, masauzande ava vathu kumona, pamo fifite mokomoko sevete faifi sauzande hakukunguluka chimwe, amwene uze kema wamundende ejile ku kuyoya, mapwevo vakulezumuka, vathu kumbila mavoko avo na kutambakana. Mwomwoika? Vakiko vatachikijile nge muthu keshi kuhasa kulinga ngachizeko, nge vakiko vapwile Kumeso a Kalunga wa Undume. Kaha chalingishile chumachimwe kusoloka.

¹³ Ngunapu nalisesa lya kwivulila malunga vakakukumukomoka kalunga kuhanjika. Vachihanjikile lwola lumwe Charles Finney, mukweze wamundende, kanda lyehi apwenga napamo handulendi na teni paundi, oloze ikiye kupwa najila yakushinjika kuhanjika palanga...Ikiye apwilenga nakweseka kuvuma halikumbi limwe muzuvo. Vakiko kapwile nazachiso ya P.A. jino. Kaha kuze kwapwile muthu apwile nakuwahisa, muze musenge, mokomoko helu hafulumba ya chihela, kaha ikiye evwile uze lunga ejile nakwingila, shikaho ikiye katachikijileko hiya vakiko vapwile, ikiye atwalileho kuhola. Kaha Mukulwane Finney apwile nakuya nakweseka kupwa nakuvuma. Hanyima yakupwa na lwola muze mukulomba yakuneha kuhizumuka muze ikiye apwile nakuya nakukwata, ikiye esekele lizu lyenyi kumona omu nachitwalilaho. Ikiye kuseunuka washiwashi kukamenga, kaha

ngwenyi, “Pihililenu nakwalumuka, mokomoko nakunonga!” Kaha ikiye ahanjikile na ngolo kana—ngolo, hanyima yakupwa wakuwavisa cha Kalunga, palanga muthu kuholoka kufuma helu lya senge, kushikumuka hamavu, mokomoko, kufuma helu lya zuvo, kuholokela hamavu.

¹⁴ Ikiye anangwile Mujimbu wamwaza mujila kana palanga ikiye kwimana mu Boston, Massachusetts, mujanene yayindende yafweke, mwomwo kuze kwapwile numba liukako lyakukwata lizavu. Kaha ikiye emanyine kuze na ngolo jajinene, kaha kunangula hetese chihela kana, palanga muthu kuzata na vizuma mujikondo javo, kuholoka nakwingila kaha kutambakana kutonda keke. Muze kupwa Kumeso a Kalunga! Vakakunangula vavanene vase vanapunga vakutela, na Lizu lya Kalunga, kwiza Kumeso a Kalunga nakutwala kulikungumbuwa. Kupwa kwakusukusuku kupwa na woma hakwingila mimichima yetu palanga vakiko kuhona kutachikiza kupwa Kumeso a Kalunga. Chipwe kwakusukusuku!

¹⁵ Omwo muthu watete, haze vene ikiye avulumwine na kulinga chumachimwe chakuhenga, kaha omwo Kalunga ejile kumeso eyi, mokomoko, ikiye ejile Kumeso a Kalunga, “Alama,” ikiye kahashile kwimana Kumeso a Kalunga ko. Ikiye alahile nakulisweka lyavene muze muchipapa na kweseka kufwika lyavene na mafwo amukuyu, mwomwo ikiye atachikijile nge emanyine Kumeso a Yehova, uze Tengi. Chize chikiko kukindulwisa cha muthu watete, hanyima ikiye avulumwine na kweseka kwiza Kumeso a Kalunga na shili hali mwono wenyi. Ikiye kahashile kuswekako, mwomwo ikiye apwile wamwaza. Shili kayapwile nakukwata nakujiminyina mumichima ya vathuko nge omu chili lelo, oloze ikiye apwile vene wakuvanguluka nge ikiye apwile wakwimana kumeso a Tengi yenyi. Jino, ikiye aliswekele lyavene muze mumusenge kaha kahashile kulovokako, kaha kahashile kwizako palanga Kalunga awamuwahishile.

¹⁶ Etu tunahase kuya kunyima, na kumbata mu Kuputuka kapetulu 17 na vasi 3, omwo uze kakuluka wamunene, Apalahama, omwo ikiye ejile Kumeso a Kalunga, kaha Kalunga ahanjikile kuli ikiye (mu kapetulu 17) mu Lijina lya Kalunga Wakulitulaho, Apalahama aholokele chameso eyi. Uze kakuluka wamunene, ngamba ya Kalunga, kahashile kwimana Kumeso a Kalunga ko, chipwethuhu amuzachile Ikiye ha myaka twende faifi, mukushishika. Oloze omwo Kalunga atambukile kumeso eyi, uze kakuluka aholokele chameso eyi mwomwo ikiye kahashile kwimana Kumeso a Kalunga ko.

¹⁷ Mu Kulovoka 3, etu tunawane nge Mose, ngamba wamunene kaha kapolofweto ka Kalunga, omwo ikiye apwilenga kunyima kusali ya mupambo, uze muthu apwile muthu wakujila. Ikiye asemukilile punga. Ikiye asemukile kufuma mujimo lya naye kupwa kapolofweto. Ikiye esekele kumbata kutanga

chenyi na kulinga vyuma vyosena ikiye ahashile kusokola vathu jenyi, mwomwo ikiye evwushishile nge ikiye atelele kuyovola vathu jenyi, oloze, omu ikiye apwile nakwivwushisa kuhichila mukutanga vyauthu. Ikiye apwile wakulongesa. Ikiye apwile kanawa wakulinangula. Ikiye ahashile kunangula mangana avaka Ejipitu, aze apwilenga avathu vautongwe vamuno mukaye. Ikiye atachikijile tupete twosena mukachi nakuweluka. Ikiye atachikijile Chisoneka kufuma ku A mbwe naku Z. Ikiye atachikijile jishiko jize Kalunga atungile. Ikiye avatachikijile kufuma mukwivwushisa cha vakakutanga. Kaha ikiye apwilenga nge—nge muthu waliswalale. Oloze likumbi limwe kusali ya mupambo, omwo ikiye ejile Kumeso a Kalunga, ikiye afumishile jisapato jenyi kaha kuholoka—kumahinji eyi, kutachikiza nge ikiye apwilenga hamavu akujila. Ikiye kahashile kwimana hamahinji eyi omwo ikiye ejile Kumeso a Kalunga, ikiye aholokele chameso eyi nge omu alingile Apalahama. Ikiye kahashile kwimana Kumeso a Kalunga ko.

¹⁸ Mu Kulovoka 19:19, omwo vathu vakusakula kuli Kalunga kufuma kunyima okwo mumakumbi a Apalahama, kufuma kuli Apalahama ejile Yisaka, Isaka kwejile Yakova, kulovoka muli Yakova kwejile vakakuluka, kaha hamyaka ha myaka vayitonesele kuli vathu vakujila, malunga vaundume, vathu vakusakula, muyachi wakusakula, vakujilika, vathu vajila, kaha vazachilile Kalunga muchiyoyelo chavo. Kaha likumbi limwe Kalunga ambile ngwenyi, “Kukungulula Isalele kulovoka hano, Nguli nakuya nakuhanjika kuli vakiko.”

¹⁹ Oloze omwo Kalunga ejile helu lya Pili ya Shinayi, kaha pili yosena kukwata kakahya, kaha wishu kutuka kufuma mulutengo, kaha Lizu lya Kalunga kukangwoka, Isalele aholokele chameso kaha ambile ngwenyi, “Echa Mose kuhanjika, kaha keshi Kalunga ko, kuchina etu natufwa.” Muthu, Kumeso a Kalunga, kutachikiza vene nge ikiye napu mukashili! Oloze vakiko vapwile, vosena, vakwalama kutesekesa na Lushimbi. Vakiko vambachile jishimbi na vyuma vyosena, oloze omwo Kalunga ahanjikile kaha vakiko vatambukile nakuya Kumeso Eyi, vakiko vatachikijile nge vakiko valovokele, vakiko vapwile—vakiko kavapwileko vakwoloka, kuze kwapwilenga chumachimwe chize vahonene, mwomwo vakiko vapwile Kumeso a Kalunga. Eyo. Kaha vakiko vambile ngwavo, “Echa Mose kuhanjika, kaha keshi Kalunga ko, mwomwo kachi Kalunga mwahanjika etu natuya nakufwa. Echa Mose kuhanjika kuli etu.”

²⁰ Chapwilenga mu Luka 5:8, nge omwo Petulu . . . mamalelo, omwo ikiye apwilenga lunga wamunene, kaha muthu wa kufungulula chachinene, ngolo jajinene jize etu tunevwushisa. Ikiye apwile nge wangolo, mukakuta ishi wakutachikijiwa. Oloze omwo ikiye amwene chikomwesa cha Kalunga azachile na kala Muthu, kusoloka nge, uze atachikijile nge luze lwola luze

vambachile kuhambakana kumbila ishi vosena muze mulyoji muze ikiye, na shikola yenyi yosena, chinyingi cha kuta ishi, atele ishi ufuku wosena kaha keshi numba kumbata chumako. Oloze ikiye evwile Muthuumwe kuhanjika, “Mbilamo lyoji lyove.”

²¹ Kaha omwo ikiye aputukile kukoka, ikiye apwilenga na liyongomena lyalinene lya vaishi, kaha ikiye atachikijile nge ikiye apwile muthu mukashili. Kaha ikiye ambile ngwenyi, “Fuma kuli yami, Ove Mwata, mwomwo Yami ngu muthu washili.” Hiya ahanjikile ngachize? Mukakujila Petulu, Kumeso a Kalunga, kuhula Kalunga kufuma kumeso eyi, mwomwo ikiye alisolwele lyavene kupwa mukashili.

²² Apalahama alitachikijile lyavene kupwa “wakuhenga.” Alama amutachikijile lyavene “wakuhenga,” uze apwilenga mwana Kalunga, alimwene lyavene “wakuhenga.” Mose amutachikijile lyavene “wakuhenga.” Isalele, nge liuka na lifuchi, valitachikijile vavene “kuhenga.” “Fumenu kuli yami, mwomwo Ngunapu muthu mukashili.” Ikiye kahashile kweseka kuhanjika, “Jino, Ngunapu wakujila kaha wakatela kutambula echi.” Ikiye ambile ngwenyi, “Yami ngu muthu washili.”

²³ Lwolalumwe vakakulifukula vyakulimanyina, na kutanga chauthu chosena chize ikiye ahashile kulinangula mwishi ya mulongeshi wamunene vavuluka ngwavo Gamaliel, lijina lyenyi apwile Saulu wa Takisus, uze twatachikiza nge Paulu, apwile mukakulifukula vene. Ikiye atachikijile tuma twosena ha kulifukula chavo. Ikiye apwilenga kafwaliseu watu fwaliseu, kaha ka Hepeleu watu Hepeleu. Ikiye apwilenga muthu wakatachikijiwa, mukakutanga, wautongwe, wakataluka, wakatanga, kulivuka kupwa ikiye amutachikiza Kalunga kufuma kuukemba wenyi. Oloze likumbi limwe mujila yakuya ku Ndamashiku, ize Panda ya mulangi wa Kakahya kumunyika chamuvetele hali ikiye kaha ikiye aholokele hali ikiye... kufuma kumahinji eyi, kumavu, mulukungu, kaha ngwenyi, “Mwata, chuma muka Ove watela kulinga?” Kulilongesa chosena chachinene, kulilongesa chosena cha kutanga vyauthu, kutanga chenyi chosena kachalumbunukile nge chuma omwo ikiye emanyine Kumeso a Kalunga ko.

²⁴ Ngunatondo kwimna hano muminyutu kaha kuhanjika nge chuma chochimwe. Ove unahase kupwa na D.D., Ph.D., kalamwosena ove watela kupwa, ove pamo kachi wayilenga kuliuka kufuma haze ove wapwilenga kanyike, ove unahase pamo kulinga vyakulifukula vyosena vyapwako, oloze hakupwa Kumeso a Kalunga ove muya nakulimona kukeha kaha keshi wamulemuko.

²⁵ Paulu atachikijile nge ikiye apwile wakuhenga, kaha ikiye aholokele hamavu, mwishi ya kufungulula na Ngolo. Omwo ikiye atalile helu na kumona uze vene Kalunga nge ikiye apwilenga nakunangula, kaha...hali chize, kaha kushinganyeka ikiye

atachikijile, kaha kumona nge ikiye apwile wakuhenga, ikiye aholokele kufuma kumahinji eyi, kumavu, mwomwo ikiye apwilenga Kumeso a Kalunga. Ikiye amwene ize Panda ya mulangi wa Kakahya.

²⁶ Ngachilihi hali Mukakujila Yowano wa Kusoloka 1:7, omwo ikiye vamusolwele chimweno, kaha kutala, kaha ngwevwile Lizu kuhanjika kuli ikiye? Kaha ikiye alumukile kutala kumona lize Lizu, kaha ikiye amwene vitumbikilo vya manongo vitanu navivali. Kaha Umwe emanyine mukachi ka vitumbikilo vya manongo vitanu navivali, na jikambu nge mangona, meso nge milangi ya kakahya, mahainji nge panda yaunengu, Ikiye apwile wakulipakashisa na chikapa cha ulu, kaha Ikiye vamuvulukilenga kupwa Lizu lya Kalunga. Kaha omwo Mukakujila Yowano atambukile na Kulishitu, kukundamina ha tulo Yenya, omwo ikiye alingile vyuma vyosena! Nge omu Ngwahanjikanga na chimene, Paulu na mulimo wenyi wahambakanyine vakwavo vosena. Hano, hanyima ya Yowano atambukile na Yesu, kuhanjika na Ikiye, kusavala na Ikiye, kulya na Ikiye, oloze omwo ikiye amwene Ikiye kwimana kuze, lize lifuchi lyaupahu, ikiye ambile ngwenyi ikiye aholokele nge muthu wakufwa kumahinji Eyi. Amena. Shinganyeka hali echi!

²⁷ Etu tunahase kwiza kuliuka na kuhanjika na kwalisa Kalunga, na vyangocho, oloze, mamalelo, ndumbu walunga, omwo etu natumona Ikiye kwiza, chumachimwe nachiya nakupwa chakuhandunuka mumichima yetu! Etu tunahase kushinganyeka nge etu kulinga nakulifukula ha kuya kuliuka kaha fwetenu vyamulikumi vyetu. Etu tunahase kushinganyeka nge etu tweji kulamanga jishimbi ja liuka na kutanga jishimbi jauthu josena, oloze lwola lumweetu kutala hali Ikiye, chumachosena mujila nakujinguluka. Eyo, echi chili vene.

²⁸ Ou lunga wamunene, Mukakujila Yowano, muthu wamunene nge ngachize, eyi Mbimbiliya ngwayo mu Kusoloka 1:7, nge “ikiye aholokele nge kachi ikiye apwilenga muthu wakufwa.” Hanyima ya myaka yitatu na chimbwa cha kulikata na Kulishitu, apwile umwe kusoneka cha Mikanda, kusoneka kunyima ya Ikiye, kulya na Ikiye kumesa, kusavala hamwe na Ikiye, kaha kulikata hamwe na Ikiye kwosena Ikiye ayilenga, oloze omu ikiye alumukile nakutala hali Ikiye, ikiye kapwile cheka na kuyoya muli ikiye chasalileko. Ikiye aholokele nge muthu wakufwa hamavu, mokomoko kumavu. Chosena chakwoloka.

²⁹ Etu twamono Isaya, mu Isaya 6:5, nge omu tuli nakutanga, uze kapolofweto waundume, ikiye apwile umwe hali vase tupolofweto vavanene vase vapwilenga mu Mbimbiliya. Kuli Mikanda sikisite sikisi ya Mbimbiliya; kuli tupetulu sikisite sikisi mu Isaya. Isaya aputukile kuya mu Kuputuka, mukachi ka Isaya ikiye kuneha mu Tesitamende Yayihya, kusongo ya Isaya ikiye kuneha mu Likombakaji; kupwa vene Kuputuka, Tesitamende Yayihya, na Kusoloka. Kukupuka!

Isaya apwilenga umwe hali tupolofweto vavanene. Oloze likumbi limwe ikiye apwile wakukundamina ha livoko lya Ujiya mwangana wamunene, Ujiya vanamufumisa kuli ikiye, kaha ikiye apwilenga nakushikumuka. Ikiye apwile mukweze wamwaza, ikiye apwile lunga wakwoloka wakwoloka, kachi uze mwangana wakwoloka (mwangana wamwaza) amutachikijile nge muthu wakujila kaha amulamine mu tembele yenyi.

³⁰ Isaya amwene vimweno. Ikiye apwilenga kapolofweto. Isaya anangwile eli Lizu. Ikiye apwilenga mukakuzata muliuka. Isaya apwilenga muthu wakujila. Oloze likumbi limwe, kwimana mutembele, ikiye kuholoka musenge kaha ikiye amwene Upahu wa Kalunga. Ikiye amwene Vangelo na mavava akulifwika kumeso Avo, mavava kumahinji Avo, kutuka na mavava, kutambakana, “Wajila, wajila, wajila napu Mwata Kalunga Wakulitulaho!”

³¹ Uze kapolofweto atachikijile nge keshi chumako. Ikiye ngwenyi, “Mamalelo yami, mwomwo Yami ngu muthu wa mivumbo yayipi.” Kapolofweto, kapolofweto nahase kutachikiza kapolofweto wamu Mbimbiliya, umwe wavo. “Yami ngu lunga na mivumbo yayipi, kaha Ngwatwamine mukachi kavathu ize yinapu mivumbo yayipi. Mamalelo yami, mwomwo Ngunamono Upahu wa Kalunga.”

³² Kaha ikiye ambile ngwenyi, omwo uze Kangelo atambakanyine, “kaha mikwilichi ya tembele kunyikika kunyima nakulutwe.” Ndumbu walunga, chize nachiya nakukulingisa ove...Keshi kaha mukwilichi ya tembele kuya nakunyikika, oloze melu osena na mavu nawakaya nakunyikisa omwo Ikiye mwakeza cheka. Jize jipili kuchina, kaha tulungalwiji kujima nakuya, kaha kutambakana, “Kutuswama etu kufuma kumeso a Ikiye uze atwama ha Litanda.” Luli nakuya nakupwa lwola lwalukalu. Nguli nakumilweka, sepa mukashili, ove watela kuchina. Echi chakwoloka.

³³ Jino, Isaya ambile ngwenyi, “Mamalelo yami, Ngwapwa muthu wa mivumbo yayipi, kaha Ngwatwamine mukachi kavathu vakuzeneka kutoma. Kaha Yami, ava vathu vali na mivumbo yayipi.”

³⁴ Jino anuka, kachi malunga vakujila vamutachikijile vavene “vakashili” Kumeso a Kalunga, chumamuka mukashili na kuzeneka kumukomoka kalunga walize Likumbi? Chumamuka vathu navaya nakulinga vanatweme mukuliwana? Vathu navaya nakulinga ika hakumona jize Ngolo ja Kalunga, jize vevwa kulava chakushikumuka ha Lizu, chize vamwene Kalunga kulisolola Lyavene, kaha (kuhambakana muvwimbimbi wakukakasana) Chisoneka chinazalishiwa, kaha hanga kweseka kuchilingisa kupwa Mwilu chakuzeneka kusemuka chachihya na kutambula Shipilitu Wajila? Eyi Mbimbiliya ngwayo, “Kachi vathu vakwoloka nachipwa chachikalu kuvalwila,

kaha mukashili nakumuzeneka kumukomoko mwakasolokela kulihi?” Chihela muka etu natuya nakwimana kachi etu natumona Kalunga kulivungununa Lyavene kumeso etu, kaha kumona Upahu wa Kalunga chochimwe nge omu valingile malunga, kaha uze ikiye muyachi wa malunga vatambakanyine, tupolofweto haze hakundamina Lizu? Kachi vakiko vatambakanyine, kaha kuholoka kumahinji avo kaha kutambakana, “Yami ngumuthu wa mivumbo yayipi, wakuzeneka kutama,” chumamuka nachiya nakupwa halinuze muthu uze keshi numba kwitavila jishili jenyi? Nachipwa ngachilihi nauze mukweze uze keshi kulikonekela jishili jenyiko? Nachipwa ngachilihi na vaze vakakukakama michima uze eji kushinganyekakanga nge ikiye atachikiza chikumahakutenga cha Kalunga kuhambakana Kalunga Lyavene? Nachiya nakusoloka ngachilihi na uze lunga mwaya nakwenyeka chiyoyelo chenye chosena kukana eyi Mbimbiliya? Kulihi uze mukweze mwakasolokela? Shinganyeka hali echi!

³⁵ Echi chinapu kwambulula mujimbu wamwaza. Luno lukiko lwola lwakunyikisa vathu. Elu lukiko lwola luze Kalunga ahanjikile kuli nakwiza lwola, Ikiye alimenekela Pili ya Shinayi lwola lumwe oloze kwejile kuchikima cheka, nge Ikiye “keshi kuhasa kunyikisa Pili ya Shinayi, oloze Ikiye mwanyikisa vyuma vyosena vize vanahase kutambuka.” Oloze enu mwatalisanga Chisoneka chosena? “Oloze etu tweji kutambula Wangana uze kaweshi kunungulukako!” Haleluya! Vyumavyosena vize vanahase kunyikisa navakaya nakuvinyikisa. Awa melu navakaya nakuwanyikisa. Mavu nawakahita. “Melu na mavu nawakahita, oloze eli Lizu kalyeshi kahitako. Mwomwo hali eli lilolwa Nanguya nakutunga Liuka Lyami, kaha vikolo vya hetese kavyeshi kahasako hali Chize.” Vyumavyosena vize vanahase kunyikisa navakaya nakuvinyikisa. Oloze etu tunatambula Wangana eli linapu Lizu lya Kalunga Lyavene, kaha Kalunga napu Lizu Lyenyi. Ikiye kalinyikisa Lyavene. Amena! Mamaah, Yami! “Oloze etu twatambula Wangana uze kaveshi kahasa kunyikisako,” wakuzeneka kunyikisa, mukiko ahanjikile Paulu mukakusoneka Hepeleu.

³⁶ Muthu wamuyachi wangachize, lwola lwamuyachi kana kaha omu vakiko vevwle! Etu tuli nawa, etu vavene, etu twamono Upahu wa Kalunga nge ava malunga valingile. Punduvene. Etu twamono Echi. Etu twamono Upahu wa Kalunga nge Apalahama amwene Chize. Etu twamwene Upahu wa Kalunga nge Mose amwene Chize, Panda ya mulangi wa Kakahya yoyimwe, Ngolo jojimwe ja Kalunga, Kulishitu youmwe wakuzeneka . . . kulisolola Lyavene, kulisolola Lyavene, kulama Lizu Lyenyi mulikumbi lya makumishilo. Natuya nakwiza ngachilihi, kaha kutambuka na kuchimona Echi mukuleluka? Natuya ngachilihi nakutambuka nakuvinguluka na kukwachilila ku jishimbi jetu na vikungulwilo, kaha keshi

kumbata Lizu Iya Kalunga ko? Nachikaya nakupwa ngachilihi muli lize Likumbi? Nachiya nakusoloka ngachilihi na etu, omwo etu twamwene Upahu wa Kalunga?

³⁷ Vathu vamwe kuya nakwimna na kufuma kaha vakiko kupwa nakuseha Chize, vamwe navaya nakuseha Chize, vamwe Navachivuluka kuzaluka, vamwe Kuchivuluka kuluwangana mumutwe, vamwe Kuchivuluka kupwa Mbelezembule, vamwe Kuchivuluka chumachimwe mokomoko chikwavo. Nge omu vavuluka muvishimo vyamwaka, “Vileya navaya nakutambuka na jisapato jajisuku haze Vangelo vevwa woma kulyatangila.” Echi chakwoloka. “Chileya nalyambe mumuchima yenyi ngwenyi, ‘Kalunga Wauchiko.’” Omwo ikiye mwamona Kalunga kusoloka mwakukupuka ha Lizu Lyenyi Ivene (keshi ha jishimbi jauthuko; oloze ha Lizu Lyenyi), kaha jino tambuka nakuhita haze hali Echi kaha nakusekeleka Chize, ikiye napu chileya. Mwomwo, echi chili, Kalunga napu Lizu, kaha Kalunga alilingishile Lyavene kupwa hatoma kuli ikiye, kaha ikiye napu “chileya,” eyi Mbimbiliya ngwayo. Nachiya nakupwa ngachilihi hali ikiye omwo ikiye atela kwimana muli chize chihela? Nachiya nakupwa—nachiya nakupwa chachikalu kuli uze muthu mu Likumbi lize, wakuzeneka kumukomoka kalunga.

³⁸ Mukashili nalikonekela, chipwe, katwama na womako. Mamalelo, nduma. Mukashili uze mwaya nakwalumuka, ikiye atachikiza nge kuli Mulambu wa manyinga kuvandamina, kwimana muchihela chenyi. Chize chikiko cheji kunguhananga kuvendejeka. Ngunamono upahu wa Kalunga. Ngunevu ngolo Jenyi. Ngunatachikiza kukwata cha livoko Lyenyi. Ngunatachikiza kukwata cha kuzangamisa Chenyi. Ngunatachikiza nge Ikiye apwa Kalunga. Kaha Ngunatachikiza nge Ngunakumu, oloze kuze kuli Umwe nemana haze kwimanyinako yami. Amena. Kuli Umwe Uze emanyine haze na kuhanjika, “Tata, kuhaka upapwoke wosena hali Yami, mwomwo ikiye angwimanyinyineko Yami hamavu.” Haleluya! Kahajino Ngwatambukile nakuya ku Litanda Iya Kalunga, kuhamuka, kupwa na likoji mumuchima wami, kutachikiza echi kacheshi ha milimo yamwazako, oloze ha keke Yenyi Vanangulwili. Keshi omu Ngunahase kulinga, chuma Ngunahase kulinunga, chumamuka Ngunahase kuhanjika; oloze chili ha likoji Lyenyi nge Ikiye angulwilile yami.

³⁹ Shikangaho mukakwimba amabachile chize, nakutambakana, “Likoji lyakukomwesa, omu lyevwekana kuyema, lize lyangulwilila ami wamokomoko. Lwola lumwe vajimbale, oloze jino Vananguwane; kapuputa, oloze jino Ngunamono.”

⁴⁰ Nangukaya Ngachili Mwilu? Nauya ngachili Mwilu? Etu katweshi kulinga echiko, etu, kaha jila yauchi hali etu kulinga echi. Oloze kuli Umwe atungile jila. Kaha Ikiye napu Jila. Kaha natuya ngachilihi nakwingila muli Ikiye? Ha

Shipilitu yimwe, Shipilitu Yenyi, etu vanatujimika Mumujimba umwe uze navakasangula nge nakujinguluka. Etu natuya nakufuma hano hamavu nge vakakuya muutangatanga wa likumbi lyamakumishilo mulufwelelo lwa Kalunga. Amena. Punduvene. Vakashili vanalikonekela kavatela kulizakaminako, Muthuumwe ali muze muchihela chavo.

⁴¹ Mamalelo, kahajino hanyima etu tuneza Kumeso Eyi jino, kaha etu tunatachikiza etu tunapunga Kumeso Eyi, etu twamumono Ikiye kulinga vyuma vize Ikiye alingile omwo Ikiye apwilenga hano hamavu. Nauya ngachilihi nakutachikiza... Nauya ngachilihi nakutachikiza muvinyo uli nakutonda? Mwomwo ha muhako weji kwimanga. Nauya ngachilihi nakutachikiza liuka ove uli nakuyako? Ha mihako yeji kunehanga. Yesu ambile ngwenyi, “Wosena mwafwelela hali Yami, milimo eyi Ngulinakulinga naikiye nawa mwakayilinganga. Evi vinjikizo navikakavangiza vaze vakakufwelela.”

⁴² Jino, etu twamono Ikiye kanda atongele etu kuya nakutunga vikungulwilo. Ikiye Kanda atondele etu kuya nakutunga jishimbi jautho. Oloze Ikiye atuhuhumwine hachuma kana. “Mwomwo wose mwakambata kalachuma kufuma kuli Echi mokomoko kuhaka kalachuma kuli Chize, chochimwe navakafumisa, chihanda chavo, mu Mukanda wa Kuyoya.” Talenu?

⁴³ Shikaho, etu kavatutongwelele kulinga chuma chimweko shina kutwama na eli Lizu. Kaha kachi muthu vamutuma kuli Kalunga, ikiye mwaya nakutwama na Lizu, mwomwo Kalunga nahase kutuma kaha na Lizu Lyenyi. Talenu? Talenu, Ikiye atela kutwama ha Lizu Lyenyi. Kahajino omwo etu natwiza Kumeso Eyi, omwo muthu ejile nakwingila Kumeso a Kalunga, ikiye alumukile hayamyaka, kachi kuli kala kwalumuka kuli ikiye. Jino, vaze vanahase kutambuka Kumeso a Kalunga na kuhaka mangana kuli Chize. Ikiye kavamutongwele ku Kuyoya ko. Oloze kachi ikiye vamutongwele kuli Kalunga, hazevene atambukile chatete, ikiye atachikijile chize. Chize cheji kukwata kakahya.

⁴⁴ Tala hali uze lihule wamundende kuze lize likumbi ku Samaliya, uze pwevo. Ikiye apwilenga museteko yayipi muwongo na mumujimba. Etu tunatachikiza ngachize. Oloze haze vene ikiye amwene chize chinjikizo kulingika, cha Meshiya, ikiye ngwenyi, “Etu tunatachikiza Meshiya ali nakwiza nakulinga echi. Ove watela kupwa kapolofweto Kenyi.”

Ikiye ambile ngwenyi, “Yami uze Meshiya uze asonekele kwiza.”

⁴⁵ Ikiye achitachikijile. Ikiye kahulile chihula chekako. Ikiye aputukile washi na mulimo, kutachikiza nge kachi ikiye awanyine chize kaha kwiza Kumeso a Kalunga, ikiye apwile wakwimanyinako kulweka muthuumwe hali echi. Haleluya!

Chakwoloka. Kala muthu mweza Kumeso a Kalunga ali namulimo kumeso a Kalunga, kufuma ha munyutu uze, wakulweka muthuumwe nawa. Tala hali Apalahama, tala hali Mose, tala hali Petulu, tala hali Paulu. Lwola lumwe vakiko vejile Kumeso a Kalunga, valitachikijile vavene “vakashili,” na kujika unjiho wavo na chiyoyelo chavo. Tala hali uze pwevo wakalemesa wamundende, ikiye kahashile kutwama nakushimbulako, ikiye ayile mumbongi na kulweka malunga, “Twaya, talenu Lunga uze nangulweke vyuma Ngunalingi. Keshi ou Meshiya ko?” Vakiko kavahashile kukana Chizeko, mwomwo Chapwile Chisoneka. Punduvene. Eyo, vakiko vatela kuchilinga, muthu, omwo etu natupwa na mulimo wakulweka veka nge omu alingile Mose, nge omu alingile Petulu, nge omu alingile Paulu. Hanyima ya vyuma evi, enu munamono Echi na kwiza Kumeso Eyi, ove uli namulimo hali uno Mujimbu kuutwala kuli muthuumwe nawa. Enu kamweshi kuhasa kutwama kulu na Echi. Enu mwatela kumbata Echi kuli muthuumwe.

⁴⁶ Ngunanuka ndumbu wapwevo wakashinakaji apwilenga hano, Ndumbu walunga Graham Snelling ya mama, ikiye apwilenga nakutwama hano muliuka, kaha ikiye mwaya nakwimba, “Ngunapunga kaha nakuhita helu! Nguli nakulaha, kulaha, kulaha, kaha Nguli nakuhita helu kaha Kangweshi nakutwama hamavuko.” Ikiye awanyine chumachimwe. Ngwayile kuliuka lya mulatu hano mu Louisville, kaha vakiko vosena vapwile vanemana hano, kwimba, “Nguli nakulaha nakukanduka mu Jila yahelu ya Mwangana, Kuyiwana kaha, nakumbata Jila yahelu!”

⁴⁷ Kuli chumachimwe hali echi, omwo enu namuwana Kulishitu, enu kamweshi kuhasa kukwachilila kuunda nakushimbulako. Makumbi ove osena ove unapu muthu wakwalumuka, mwomwo omwo kuyoya na kuyoya kwiza nakupwa hamwe, nachilingisa Linongo kumuyika chikuma. Muchano. Nge bulb nayilinunga na tambo, kachi nayilinunga na bulb, nayiya nakuhana kumunyika; omu kakahya na bulb kupwa hamwe, kuze kakweshi chuma chakulinga shina kumwanga kumunyika. Echi chatela kulingika. Kaha omwo lunga mokomoko pwevo vamutongwelele ku Kuyoya cha Hayamyaka, kaha vakiko vamwene mikonya cha Kalunga kukwata chize, nachiya kumbila Kumunyika kwosena chinahase. Ove pamo kaweshi kuhasa kupwa pamo teni watt, oloze ove nauya nakumwanga Kumunyika muka ove ukwechi. Kachi ove kaweshi na faifi handulendi watt Kumunyika. Hana Kumunyika chove! “Echa kumuyika chove chimwinyike kumeso avathu, mangana vakiko vahase kumona milimo yenu ya mwaza na kutohwesa Tata ou ali Mwilu.” Eyo, mwane.

⁴⁸ Nge muthu mweza nakuliwana na Kalunga, ikiye alitachikijile lyavene “vyauchi vya mwaza.” Nachipwa

ngachilihi na muthu mwatambuka nakujinguluka na kukoka chipwe wamunene ngachilihi kaha chummuka ikiye nalingi, omu ikiye keshi chumamako? Ikiye keshi chumamko kukuputuka. Likumbi limwe kushikumuka mu Memphis, Tennessee, mokomoko umwe... Kangweshi nakushinganyeka nge chapwilenga mu Memphis. Chapwile chihela chimwe kuze. Ngwapwilenga na Ndumbu walunga Davis kaha apwilenga na—na kuhizumuka. Echi chinahse kupwa mu Memphis. Kaha etu twapwilenga, kuya kuchivaza chachinene, kaha vakiko vapwilenga muze, keshi nge chivazako, chapwile nge zuvo yavisongasonga, kaha vakiko vapwilenga na—na kaponya wamunene uze vakiko wakutunga na vihanda vyakuhandunuka vya hano hamavu, vya kuhandunuka, Hercules na vyangocho, kaha mukakukopa wamunene akwichile ulombo. Kaha jino vakiko apwile nakupwa omu afwana muthu uze alemene handulendi na fifite paundi. Unatachikiza chumamuka, ikiye apwile wandando yingahi? Wa eyite fwo seti. Mukiko kaha apwilenga. Eyite fwo seti wosena—wosena kupwa ulembe unahase kufumisamo hali ikiye. Ikiye kupwa kaha na ulombo utoma kumwangila uswa wakasumbi, kaha ikiye apwile wakutamo, chindende wa calcium, uto chindende. Chize nachiya nakuchilanjisa na eyite fwo seti. Oloze etu kuzakamina kaha eyite fwo seti kaha kamba nakujinguluka.

⁴⁹ Kuze kwapwile vanyike vamaunga vavali kwimana kuze, kaha umwe atalile mukwavo, ngwenyi, “Jim, etu katweshi kupwa vakutela chikumako etu?”

Ikiye ambile ngwenyi, “Nduma, etu katweshi, Yowano.”

⁵⁰ Ngwambile ngwami, “Oloze vandamina munyutu kaha, vanyike vamaunga, enu mukwechi mwono muze muli nakupwa chakutela teni sauzande ya kaye, chize chinapunga, vanahase kusokola na ngolo ja Kalunga, kachi ove muya nakwecha echi.”

⁵¹ Muthu, omwo ikiye mwamona vyuma evi, ikiye ali wakwimanyinako kulweka veka. Ngwamwene omwo Ngwapwile kanyike walunga. Ngwanyemine chiyoyelo chosena hali chize. Ngukonekelenuko Ngukwechi kuyoya chimwe, kachi Ngwapwanga na teni sauzande. Kachi Ngwapwanga na Hayamyaka, Nanguya lika nakulweka vathu hali chize, mwomwo chinapu chuma chachinene Ngunawane. Kachi enu namuya nakutanga mu Ezekele 33, kapetulu 33 wa Ezekele, kuze kwapwilenga kaposhi wakutalila, kaha uze kalama apwilenga namulimo wambongi yosena. Amena. Jino, tona, litonese ove lyavene kuchivezu cha kushipilitu ha munyutu, shimbu nangumbata Chisoneka. Uze kalama atela kupwa muthu wakulongesa. Ikiye atela kutachikiza chumamuka ikiye apwile nakulinga, hakala tunda, haze vene vakiko asangukile, uze mukakole, ikiye nahase kutachikiza chize. Ikiye nahase kulweka kutambuka chenyi, ikiye nahase ulombo wavo, ikiye nahase kuvalweka seteko yenuyi na failo. Kupwa nge meso

amuthu nahase kumona, ikiye nahase kumona. Kaha ikiye apwile helu kuhambakana vosena, mwomwo ikiye apwile wakulongesa kutachikiza mukakole. Kaha Kalunga atondele mbongi yosena hali livoko lyenyi. “Kalama, ufuku uka?” Haleluya!

⁵² Omu mukiko mujila maswalale ja Kalunga vali lelo. Vakiko vali wakulongesa ku Lizu. Omu kalachuma kwiza nakupwa wakuwahisa chindende, chize chikwechi chumachimwe nawa chize keshi Chisonekako, vakiko kuhuhumuna chikungulwilo chavo. Kalachuma chize kacheshi Mbimbiliya ko, kalachuma chize kacheshi—chize kacheshi Kalunga ko, kupwa na musoji wachingoloshi, kulinakina, kaha vyumavimwe nawa, mangana kufweta tufunga. Vize vyuma kana vyakuhenga. Bunco games na viwanyino vya makati mumauka, echi chili chakuhenga! Kaha kalama wamwenemwene hambango, uze apwilenga Kumeso a Kalunga...Kachi ikiye keshi mumbangoko, kachi ikiye atela kupwa hambango, izse mbango kayeshi kupwa helu kuhambakana vikungulwilo vikwavoko. Oloze kachi ikiye napu kalama wakwoloka, Kalunga mwamukatula ikiye helu muutangatanga muze vosena kanda vengilemo. Oloze ikiye eji kutala utanga, kaha Kalunga mwakachitonda kuli ikiye! Uze lunga wa Kalunga uze emanyine Kumeso a Kalunga, kaha atachikiza Kalunga apwa Kalunga, kaha kutachikiza nge Kalunga alama Lizu Lyenyi, kaha tala Kalunga kuzata Lyavene na kulinga mulimo Wenyi na kulama Lizu Lyenyi, jino chipwe mazavu angahi mokomoko vikungulwilo vingahi kweseka kupula Echi hamavu, ikiye atachikiza seteko na failo ya mukakole. Amena. Ikiye atachikiza chumamuka chakulweka chikungulwilo, kalama wamwene mwene.

⁵³ Kachi etu natulikonekela nge Ikiye ali, etu tunapunga Kumeso Eyi, kaha etu tunetavila jishili jetu, vakiko vakujima mumukanda wa kwanuka Chenyi. Kuze kakweshi numba muthu wa Kalunga nahase kulinga ngachizeko. Jino, enu munahase kulinga kalachuma kuli yami, Nanguya nakukukonekela, oloze Nanguya nakwanuka echi. Kachi Nanguhasa kulinga kalachuma kuli ove, ove muya nakungukonekela, oloze ove muya nakwanuka echi. Oloze Kalunga nahase kukonekela na kuvulyama. Shinganyeka hali chize, “kanda numba kwanuka echi!” Amena. Chize cheji kungulingisa kwivwa kuwaha. Omu echi navahona numba kuchanuka chekako, kwauchi kuchilinga na Kalunga. Kakweshi chumako shina Kalunga nahase kulinga chize. Ikiye ambile ngwenyi Ikiye mwaya nakunungulula kufuma mu mukanda Wenyi wa kwanuka. Kangweshi kuchilingisa echi, ove kaweshi kuchilingako, mwomwo etu tuli kaha nakupwa navishinganyeka vyavindende vyakukuminamo. Oloze Ikiye apwa wakuzeneka maputukilo na makumishilo, Kalunga, Ikiye nahase kuvulyama nge chinalingika. Amena.

⁵⁴ Mukweze wapwevo kwiza nakufuma muliuka lya lifuchi,

kaha ise apwile mukakunangula wamwaka, kutambakana, mokomoko membala wa liuka. Kaha shikaho ikiye atambukile nakwingila mumbongi, kaha ikiye apwile wakulifutula na mapwevo kuze, kaha kupwa nakuzata nge omu vakiko valingile, na jifwashone. Kaha likumbi limwe ikiye apwile nasonyi hali ise na naye kwiza, mokomoko ise, chipwe, naye apwile wakufwa. Shikaho uze kashinakaji walunga, chuma kaha ikiye alingile, kukatuka na chimene, kulya chakulya chachimene kaha kumbata mbimbiliya kaha Kuyitanga, kaha kulila na kulomba na kutambakana chikuma, kaha kulaha kaha kushikumuka mukapete, kaha ikiye evwile sonyi chindende hali chize. Shikaho jino—jino omwo lwola lwosena kuhita ufuku, kachi ikiye akwachile ku Mbimbiliya, kuputuka kutanga Echi, ikiye mwakatuka kufuma mukahela, na kutambakana, “Upahu kuli Kalunga! Haleluya! Mamalelo, upahu kuli Kalunga!” Kwimana kaha na kulila chimbwa cha ufuku.

⁵⁵ Shikaho likumbi limwe ikiye apwile nakuya nakusanyika membala waliuka kuliwana cha kunwa teayi nge vakiko lwolalwosena vapwilenga, munatachikiza, shikaho ikiye katachikijileko nomu apwile nakuya nakulinga na ise. Hanyima ya vyosena, yapwile ise. Shikaho ikiye ajinyine nge mwamuhaka mukapala, kaha kuhanjika, “Tata, ove kawazangile kupwa hanoko hali mapwevo ava, keshi ngachizeko?”

Ambile ngwenyi, “Nduma, Kangwafwelela nge Ngwatondo kulinga ngachizeko.”

⁵⁶ Ikiye ambile ngwenyi, “Chamwaza, etu natuya nakupwa na liuka lya mapwevo hano lelo, kaha etu natuya nakupwa na kuliwana chachindende, kuliwana cha kulomba chachindende. Shikaho Ngwa—Ngwatondo kukulweka, tata, mwomwoika muhonenka kukanduka mukapala?”

Ambile ngwenyi, “Ngwafwelela Nanguya nakulinga ngachize.”

⁵⁷ Shikaho ikiye ambile ngwenyi, “Tanga ou mukanda wamwaza.” Kaha ikiye wa geography. Ambachile Mbimbiliya yenyi afumine kuli ikiye mangana kuhole kulu. Shikaho atachikijile kachi ikiye atangile Mbimbiliya, mwomwoika, ikiye mwaya nakuneha vyema vyavivulu kuze. Shikaho ikiye hazevene hali vakiko, munatachikiza, kuze vakiko vapwilenga nachiwanyino. Shikaho ikiye amuhanyine kusoloka changalila, ambile ngwenyi, “Echi chinapu chamwaza. Enu mwatela kutanga echi, tata, mwomwo echi nachikulweka enu vosena muchano ha kaye.”

“Mamalelo,” ikiye ngwenyi, “Nanguya nakupwa wakuwahilila kutanga chize.”

⁵⁸ Shikaho ikiye ambile ngwenyi, “Jino ove kanduka helu kaha uhole kulu palanga avamapwevo vanayi, kaha jino Nanguya . . . ove twaya kinduluka kaha jino ove unahase kulinga kala chuma

ove unatondo.” Ikiye etavile kulinga ngachize. Shikaho ikiye ayile nakukanduka manela, nakutwama kuze.

⁵⁹ Kaha vakiko vosena vapwile na lizavu lyavo, munatachikiza, kuhanjika pamo *munganji mukananga*, kaha munatachikiza omu chayile, hakupwa naluze lwola lwalunene. Kaha pamo luze lwola chumchimwe kuvatula haze hamanela, chize chosena chakutetumuka na kutumbujoka, kaha ize ndambo yakukwita hazuvo kuholoka. Uze lunga wakashinakaji apwile kwilu apwile nakulaha na kujinguluka muze mukapala nge omu ahashile kuya nakulinga, kutumbuka helu na hamavu, na kutambakana, “Upahu kuli Kalunga! Upahu kuli Kalunga!” Vaze mapwevo katachikijileko chumamuka chasolokele kwilu kuze, chumamuka vapwile nacho kwilu kumanela. Shikaho hazevene handalo ikiye ejile, nakuzama chosena nge omu ahashile kuya.

Ikiye ambile ngwenyi, “Tata, Ngwakuhananga mukanda wa kusoloka changalila mangana utange.”

⁶⁰ Ambile ngwenyi, “Eyo, Ngunatachikiza echi. Unatachikiza,” ambile ngwenyi, “Ngwapwanga nakutanga muli eyi geography hano muze vihela vyavo nge mukalungalwiji katwama nahashina yenyiko.” Kaha ambile ngwenyi, “Ngwatangile hano mu Mbimbiliya zau, Ikiye ambile ngwenyi Ikiye ahakile jishili jami mu ‘kalungalwiji wakuzeneka kwanuka.’ Upahu kuli Kalunga! . . . ? . . .” Ngwenyi, “Vakiko hanga vali nakuya. Vakiko kaveshi na makumishiloko, vakiko veji kutwalilaho nakuya.” Echi chakwoloka. Kaha ikiye apwile nakutambakana hali chize. Chamwaza, echi chakwoloka.

⁶¹ Kalunga eji kuhaka jishili jetu mukalunga lwiji wakuvulyama, kujijima, kaha vakiko vali kachi vakiko kanda chisolokeho. Mamaah, Yami! Kahajino etu tunemana ha likoji lya Kalunga, kuhichila muli Yesu Kulishitu Mwata wetu, utoma na wajila, kupwa kaha wakujila nge omu Ikiye apwilenga, mwomwo Ikiye kangumonako omwo Nangwiza kuze, Ikiye mwamona Mwa Nenyi Lyavene. Jila kaha Ikiye nahase kumona . . . keshi kuhasa kumona yamiko, mwomwo Nguli muli Mwa Nenyi. Kaha Ikiye eji kaha kumona Mwa Nenyi. Echi kacheshi chamwazako? Etu katweshi kushinganyeka ha jishili chekako, chinayi, chili mwishi ya Manyinga. Eyo, mwane. Kawatela kulizakaminako hakalachuma, chosena chinafumu, kaha kulovoka mukwanuka cha Kalunga. Ikiye keshi numba kwanuka echi chekako.

⁶² Isaya, uze kapolofweto waundume, omwo ikiye alitavilile jishili jenyi, ikiye ambile ngwenyi, “Mamalelo yami, mwomwo Ngwapwa muthu wa mivumbo yayipi.” Kapolofweto! “Yami ngu muthu wa mivumbo yayipi, kaha chikungulwilo chami chili chachipi.” Talenu? “Vaze vathu Ngweji kunangulangako, vakiko vanapu vavapi. Yami ngunapu wamupi. Kaha mamalelo

kuli yami. Oloze hano kwejile lizavu lya Vangelo kufuma mu Upahu wa Kalunga, kuchikima kunyima ya—ya mavwe, kaha Ngwatalile kwilu kaha kumona kupwa Chenyi kuzalisa Melu osena. Kaha Ngwatalile vaze Vangelo vaze kanda lyehe vatachikize omu yapwa shili. Vakiko kavatachikijileko shili yapwile ngachilihi, kaha kuze, Kumeso a Kalunga, vakiko vapwile namavava avali kumeso avo, vakiko vapwilenga na mavava avali kumahinji avo, kaha vakiko vapwilenga nakutuka namavava avali, kaha vakiko kulila likumbi na ufuku, ‘Wajila, wajila, wajila napu Mwata Kalunga.’” Hee. Chize chinahase kukulingisa ove kwivwa nge kupwa nge wakujiluluka, keshi ngochoko? Jino, chuma muka ikiye alingile? Ikiye ngwenyi, “Mamalelo yami.”

⁶³ Kaha omwo ikiye alitavilile jishili jenyi kaha ngwenyi “mamalelo yami,” vaze Vangelo vayile nakumbata lumanya, kumbata makala akakahya aze emanyineko Shipilitu Wajila na Kakahya, kaha kwiza na kuhaka hamivumbo ya kapolofweto, kaha mabile ngwenyi, “Ngunakutomesa.” Jino mavava kuwahwingisa mujila nge *ngachize*, kuwatambukisa kufuma kumahina alwola, kaha ikiye evwile Kalunga kuhanjika, “Hiya mwatuyilako?”

⁶⁴ Oloze hanyima ikiye awanyine nge kuze kwapwilenga kufumisa shili, Kalunga atondele muthumwe kumuyilako Ikiye, kaha ikiye ambile ngwenyi, “Yami Uno, ngutumenu.” Ikiye apwilenga Kumeso a Kalunga, kaha alitavilile jishili jenyi, kaha vanamutomesa kufuma kujishili jenyi, kaha apwilenga wakulizanga kuzata. Amena.

⁶⁵ Nge mukakusoneka ambachile chize, ambile ngwenyi:

Jimiliyoni jino mu shili na sonyi vali nakufwa,
Ivwulilenu kuushona wavo kulila chavo
chachikalu;
Zangulenu, ndumbu walunga, zangulenu
nakulilwila;
Washi washi washi, “Mukakunangula, hano
Yami.”

⁶⁶ Omwo Ngwashingtonyeka va Africa, India, na kujinguluka kaye, jimiliyoni ja vakakuzeneka kutachikiza kalunga kutambakana na kulila ha keke, kaha hiya mwaya? Kanda kuhichisa kamukandako, oloze vanehenu kuli Yesu Kulishitu. Muthuumwe Kumeso Eyi, nge Mose, uze nahase kuya kuze na kuvalwekesa vakiko kusokoka cha muchano. Keshi kuvalingisa vakiko kulinunga na liuka, mokomoko kulimeneka mumavoko kaha kupwa na jishimbi jauthu, oloze kunea kusokoka kumyona yavo; lunga umwe wamwaza wakumukomoka kalunga. Eyo, Isaya alitavilile jishili jenyi kaha vamutomesa.

⁶⁷ Hanyima ya Yakova kulipika ufuku wosena, mukulikonekela jishili jenyi, ove anuka chize chihela ikiye apwilengamo?

Vachivulukile kupwa Penwele, P-e-n-i-t-e-l, Penwele. Eli lizu lya *Penwele*, muchi Hepeleu, kulumbununa “meso a Kalunga Wakulitulaho.” Yakova, uze mukakuhungumwisa wamundende nahichi mwozena...lijina lyenyi apwile ikiye *Yakova*, kulumbununa “mukakuhungumwisa,” uze napu mukakuhungumwisa, ahichilemo muchiyoyelo chenyi, kufuma kuli Kalunga, oloze omu ikiye lwolalumwe apwile Kumeso a Kalunga kuze ku Penwele, kuze kumeso a Kalunga, ikiye vamukwachile kuli Kalunga kaha kahashile kumuchina Ikiye ko. Kalunga, etu twatondo Yakova. Ikiye akwachile kumeso a Kalunga, Kumeso a Kalunga, ikiye atwamine palanga nomu musana wakandukile. Kalunga ambile ngwenyi, “Echa Yami nguyenga, mwomwo musana uli nakututuka.” Kaha ikiye atwamine kumeso a Kalunga palanga musana, oloze ikiye ayile nakupwa wakuvulukila kwoloka na kuvalwila. Huu.

⁶⁸ Mamalelo, chuma kana chachinene chapwilenga, jino, kutachikiza nge ikiye alipikile nakuhita. Chize, ikiye amwene vinjikizo vya Kalunga, ikiye apwilenga na vilota hali Kalunga, oloze lwapwile lwola lumwe ikiye apwilenga kumeso a Kalunga, Kumeso a Kalunga. Shinganyeka hali echi, masepa. Jino, nge omu etu natuzangula. Kumeso a Kalunga, muthu kwalumuka. Yakova apwile wakwalumuna. Jino ikiye ahashilenga kutambuka na Kalunga. Eyo, ikiye apwilenga muthu wakuhandunuka kuhambakana omu ikiye apwilenga omwo ikiye ayile kuze. Ize jita jino yahichile. Eyo, mwane. Kaha ikiye aputukile kutunga kamenga. Ikiye tele kejilila kutunga tumengako, munatachikiza. Oloze, Nangumilweka, omwo enu namwiza Kumeso a Kalunga, enu mwatondo kutunga kamenga kumwe. Ove unatondo kuwana kumwe kuze ove unahase kulomba. Ikiye atungile kamenga. Ikiye vamutomesa, kaha Kalunga ahashile.

⁶⁹ Kaha Yakova vamwalumwine kufuma kuli *Yakova*, “mukakuhukujola,” kuli *Isalele*, “na mwangana, kupwa na ngolo na Kalunga.” Chize chikiko chasolokele kuli Yakova. Uze mukakwonga, uze mukakuhungumwisa, wakuzeneka kwoloka, wakuzeneka kujila, ahungumwishile ndumbwenyi walunga, kumwivwa utwatwa, nge omu chapwilenga, kuufumisa kuli ndumbwenyi, kumbata jila yamajilo chindende yakulinga chize, kupwa vene nge mukakuhungumwisa. Ikiye ahungumwishile isewenu. Kuhaka tuvitondo twa mipopela kaha alingishile vangombe vmapenga, omu vase vangombe vemichile kuze, tala hali chize, kaha mikoko...munahase kumona mitondo yamapenga kaha kulingisa vangombe vmapenga, kuvahana kafwana wakusemuka. Mukakuhungumwisa, kuhungumwisa isewenu. Kuhungumwisa naye, kuhungumwisa ise, kuhungumwisa ndumbwenyi, oloze omu ejile nakupwa muli...Ikiye apwile mukakuhungumwisa. Ikiye apwilenga nakuhitangana kwosena ikiye ayile, lwola lwosena kuchina kuli

Kalunga, ikiye apwile nakuchina ndumbwenyi walunga. Oloze omwo ikiye ejile Kumeso a Kalunga, ikiye atachikijile nge ikiye apwile mukashili. Chuma muka ikiye alingile? Chuma muka ikiye alingile? Ikiye amwene lisesa lyaenyi. Ikiye aliwanyine nachuma chimwe chize ikiye ahonene numba kushinganyeka hali chize, kaha ikiye atwamine kuze palanga jishili josena jinayi. Mamaah, yami! Kalunga amukwate ikiye Kumeso Eyi Ivene.

⁷⁰ Kalunga atwama na jila yakukwachilamo muthu nakumuneha Kumeso eyi, jino vakiko kupwa nakusakula chenya. Vamwe vavo kulaha kufuma kuli Ikiye, vamwe kulaha nakuya kuli Ikiye. Kachi vakiko vali vakutongola ku Kuyoya, vakiko vafwelela Echi, vakiko kusukama hali Chize. Kachi vakiko kaveshi, vakiko kweseka kuya na kuhanjika, “Kakweshi chuma kuli Echiko.” Talenu? Kaha uze ikiye mukweze najimbala. “Mukweze mwalikonekela jishili jenyi, navakamukonekelajo. Kachi ove musweka shili jove, ove kaweshi kukafukilako.” Nduma.

⁷¹ Shikaho Yakova omwo ikiye, munatachikiza, likumbi likwavo ikiye aliwanyine na Esau ndumbwenyi walunga. Ikiye katondele kukafwako kufuma kuli ikiye ko. Ikiye katondele vamaswalaleko. Ikiye apwile mumulimo wakutungwa tumenga. Ikiye kapwile nawomako wa Esau chekako.

⁷² Jisamu 16:8, Ndavichi ngwenyi, “Ngunahake Mwata kumeso ami.” Echi chikiko chuma chamwaza chakulinga. Jisamu 16:8, “Ngunahake Mwata kumeso ami.” Shikaho, ikiye keshi kupwa muchimbalanganyi hali echi. Ikiye atondele kupwa na chivezu cha Kupwa Chenyi, shikaho Ndavichi ambile ngwenyi, “Ngunahake Mwata lwola lwosena kumeso ami. Jino Ngwa, Ndavichi, ahakile Mwata kumeso eyi, lwolalwosena kupwa na chivezu—chivezu chakupwa Kumeso a Kalunga.” Kumana chize kacheshi kuhasa kupwa kulinangula chamwaza hali etu vosena ufukuuno? Kuhaka Mwata kumeso etu shikaho etu natuya nakupwa chivezu cha Kupwa Chenyi. Kumuhaka Ikiye chatete. Mwomwoika? Kumuhaka Ikiye chatete, kumeso enu. Mwomwoika? Jino ove kaweshi kuhasa kulinga shiliko nge unatachikiza nge uli Kumeso a Kalunga lwolalwosena. Omu ove mutachikiza Kalunga nangujingilika, ove tala kanawa chumamuka ove uli nakuhanjika.

⁷³ Muthu, nge ikiye mwashinganyeka nge Kalunga nayi, ikiye mwaya nakulishinga, ikiye mwaya nakwivwula lushiushiu mapwevo, ikiye mwaya nakulinga...ikiye mwaya nakwiva, kwonga, kwambulula makuli. Ikiye mwaya nakulinga kalachuma omwo ikiye kushinganyeka nge Kalunga kamumonako. Oloze kumuneha Kumeso a Kalunga, ikiye mwaya nakwimika echi hano vene. Talenu? Kaha Ndavichi ambile ngwenyi, “Ngunahake Mwata lwola lwosena kumeso ami.” Chize chikiko chuma chamwaza. Shikangaho Kalunga ngwenyi

ikiye apwile muthu hanyima ya muchima Wenyi Ivene. Muthu mwaya nakulinga vyuma vyosena omwo ikiye kushinganyeka nge Kalunga keshi hakamwihiko. Oloze omu ikiye atachikijile nge ali hakamwihi na Kalunga, mwamona lyehi mukashili? Echa muthu wakuzeneka kumukomoka kalunga ezenga, ikiye mwaya nakwecha kulishinga, kachi ikiye natambula kalemesa kakutamo. Talenu? Ikiye keshi kuhasa kulweka usese wamajilo nge ikiye mwaya nakumulweka. Talenu? Talenu, ikiye mwaya nakuseza chize, mwomwo ikiye atachikiza nge ikiye ali Kumeso a Kalunga, mwomwo Kalunga atwama mu mbalaka ya vathu Jenyi. Talenu?

⁷⁴ Hanyima ya Ndavichi alingile echi, ikiye ambile ngwenyi, “Muchima wami navaka wahlilila.” Ngwatondo enu kutanga echi, Jisamu 16. “Muchima wami nauya wahlilila, kaha nyama yami nayikanokela mu lusalililo.” Mwomwoika? Muchima wami nauya wahlilila mwomwo Ngukwechi Kalunga shimbu kanda yami lwola lwosena. “Kaha nyama yami nayikatwama mu lusalililo; kachi Nangufwa, Nanguya nakukatuka cheka. Mwomwo Ikiye keshi kwitavila Umwe Wenyi Wakujila kumona kupola, chipwe Ikiye mwaseza mwono Wenyi muhetese.” Talenu? Omu Ndavichi ahakile Kalunga kumeso eyi, kaha apwile na chivezu lwolalwosena nge ikiye apwilenga Kumeso a Kalunga. “Tondenu chatete Wangana wa Kalunga.”

⁷⁵ Jino ivwililenu, liuka, Ngwamizanga. Kaha Ngwatondo enu kwivwulila kuli yami jino. Nge Ndumbu walunga McCullough apwilenga nakuhanjika, “Nguli nakuya nakuhanjika chumachimwe.” Lwolalwosena mukaha Mwata kumeso ove, kaha kanda kulinga chumachimweko chize kawatela kulingako omu uli Kumeso Eyi, mwomwo Ikiye ali nakutala hali enu. Talenu? Ou Mwata atwama navaze vamwivwa woma Ikiye. Ikiye kanda. . . Ikiye kutwama kaha hakamwihi na ove. Kaha Ikiye atachikiza vyuma vyosena ove uli nakulinga, kaha ove watela kutachikiza chize. Omwo enu namuputuka kwambulula makuli, kanda kuchilingako, anuka, Kalunga ali nakwivwulila hali enu. Kachi ove muputuka kulinga kwonga chachindende, kanda ove muchilingako, Kalunga ali nakutala hali ove. Kachi ove unaputuka kumbata Lijina Lyenyi mwamokomoko, kanda kulinga chizeko, Kalunga ali nakukwivwulila. Kuputuka kunwa makanya, Ikiye ali nakukutala. Talenu? Wenyi. . . Etu twapwilenga nakwimba mwaso, “Omu natuya mujila nakufwila mwono wamuchano, kuli liso lili nakukutala; kala tambo mumbata, lize liso lyalinene linatono, kuli liso lili nakukutala.” Anuka, kulinga nge Ndavichi, kuhaka Mwata lwola lwosena kumeso ove. Kahajino muchima wove nauya wahlilila na nyama yove nayikanokela mu lusalililo, mwomwo Ikiye ashikile echi. Eyo, mwane. Ikiye atachikijile nge ikiye mwaya nakusangula mwomwo Kalunga ashikile echi. Chosena chakwoloka.

⁷⁶ Omu etu natwiza nakwingila Kumeso Eyi, etu

vanatwalumuna, katweshi kukapwa chochimwe. Tala kuhita muvisemunuino vyosena, kala kutambuka cha kuyoya, hali muthu. Tala hali Apalahama. Enu ngwenu, “Chamwaza, chize chalumwine chiyoyelo chili kaha cha vakakuzata.” Mamalelo, nduma. Chize chalumwine chiyoyelo chili cha muthu wosena. Talenu?

⁷⁷ Jino, Apalahama apwilenga jimi, oloze omwo ikiye ewwile Lizu Iya Kalunga kuhanjika kuli ikiye, kaha amwene chize chimweno, ikiye apwilenga muthu wakwalumuna kufuma muli luze lwola. Ikiye alihandunuine kufuma kulivatanga, kufuma kuli vase valihachile navo, kaha kutambuka nge mukakuzuzumana kaha ngeji, mulifuchi Iya ungeji, chiyoyelo chenye chosena, kutwama mujimbalaka, mwomwo ikiye alitavilile nge ikiye ali nakutonda mbongi yikwechi Mukakutungu na Mukakutenga apwilenga Kalunga. Ikiye atachikijile nge kuli Kalunga, kaha kuze kwapwilenga mbongi kumwe Uze Mukakutungu na Mukakutenga apwilenga Kalunga. Omu mukiko Hepeleu 11 atulweka etu, nge ikiye ali nakutonda mbongi ike Mukakutungu na Mukakutenga apwilenga Kalunga. Ikiye apwilenga muthu wakwalumuna, oloze ikiye kapwilenga chumako shina jimi kaha. Oloze ikiye amwene chimweno kaha ejile Kumeso a Kalunga, kaha ikiye apwilenga muthu wakwalumuna kufuma haze.

⁷⁸ Mose, ikiye apwilenga kafunga, oloze ikiye apwilenga muthu wakwalumuna omwo ikiye ejile Kumeso a Kalunga. Ikiye apwile wawoma, ikiye apwile nakulaha kufuma kuli Fwalo, na maswalale vosena kunyima yenye. Oloze na mutondo mulivoko lye, ikiye akindulukile na kumbata lifuchi lyosena. Talenu? Mwomwoika? Ikiye ejile Kumeso a Kalunga. Ikiye apwilenga muthu wakwalumuna, kafunga.

⁷⁹ Petulu, mukakuta ishi, katachikijile chumako shina kuta ishi. . . mokomoko atachikijile chumako hali Kalunga, chumachimwe kaha ikiye kakavulu atachikijile shina mwakukwachila ishi. Oloze omwo ikiye ejile Kumeso a Kalunga, kaha kumona Tengi wamunene Uze ahashile kutenga ishi, omu Ikiye amulwekele kumbilamo lyoji mangana ozenga. Muze kapwile ishiko, ikiye apwile kaha nakukoka lyoji. Oloze ikiye ngwenyi, “Ha Lizu Lyove, Mwata. Ngwafwelela nge Ove unapu Mwana Kalunga, kaha kachi Ove mwecha. . . kachi Nanuhakamo lyoji, Ove wangulwekele kulinga echi; ha Lizu Lyove, mwomwo Ove na Lizu Lyove linapu chochimwe, Ngwechenu lyoji.” Kaha omwo ikiye aputukile kukoka, ikiye ngwenyi, “Fumenu, Mwata, Ngwapwa muthu washili.” Talenu, mukakuta ishi, hanyima ya Petulu aliwanyine na Kulishitu ikiye kapwile cheka mwomumweko. Ikiye, hanyima yachize, chapwile muchano kuli Kalunga, ikiye vamuhanyine jisapi ja Wangana. Eyo, mwane.

⁸⁰ Paulu, uze Kafwalisu wakulimanyina, wakitanga

wakulilongesa muvyakulifulavyosena vya...vize vyapwileko mukaye lwa lize likumbi, umwe wakutanga chachinene mulifuchi. Oloze omwo ikiye ejile shimbu kanda ize Panda ya mulangi wa Kakahya likumbi limwe, Kalunga uze ajihile, kuvulyamakoko. Ikiye apwilenga ka Fwalisewu, ikiye kafwelelele nge Kalunga apwilenga Muthu. Ikiye atachikijile Kalunga apwilenga Panda ya mulangi wa Kakahya, Yatwaminyinenga vathu Jenyi kuvafumisa mu Ejipitu, Yapwile navo. Oloze omwo ikiye amwene eyi Panda ya mulangi wa Kakahya, ikiye aholokele chameso eyi. Kaha ikiye evwile Lizu kuhanjika, "Saulu, ika uli nakunguyanajisa ove Yami?"

Ambile ngwenyi, "Ove yove Hiya, Mwata?"

Ikiye ambile ngwenyi, "Yami Yesu."

⁸¹ Ikiye apwilenga muthu, uze ambile ngwenyi, "Ove vanakujimika ngachilihi?" Ikiye napunga Kumeso a Kalunga. Ikiye apwilenga muthu wakwalumuka kufuma haze, ikiye napunga Kumeso a Kalunga. Chize chalumwine uze muthu.

⁸² Charles G. Finney, lihako, wamunene lihako wamu Philadelphian, oloze omwo ikiye ejile Kumeso a Kalunga ikiye aholokele lushimbi lwenyi lwa kutanga kaha ejile nakupwa mukakunangula waundume wa lino lifuchi twapwho lyehi.

[Hatepu hapimbi—Muka]...apwile mukakunangula, mwomwo likumbi limwe ikiye ejile Kumeso a Kalunga. Ikiye ashinganyekele, kamwe, ikiye mwaya nakutanga hamulimo. Ove unatachikiza mukanda wenyi. Ngukwechi mujimbu maputukilo wachiyoyelo chenyi. Ikiye ayile nakulomba. Ikiye ashinganyekele nge apwile mukakunangula. Ikiye apwile nakufwila, nge ikiye atondele kunangula, kaha ikiye apwile na ikiye mukutangisa chachindende nakweseka kunangula. Ikiye ayile likumbi limwe, kufuma muufwishi wenyi, nakulomba ayile mumusenge. Ikiye afukamine kusali yamutondo wakukinduka, kuze ikiye apwile musana wosena. Kupwa kaha mukakulifukula, oloze ikiye kahashile kufwelelako muli Chize.

Kuze kwapwilenga mapwevo vavali muliuka, valaminenga, "Mukulwane Finney, etu tuli nakulomba nge ove muya nakutambula Shipilitu Wajila."

Ikiye ambile ngwenyi, "Ngukwechi Shipilitu Wajila." Ngwenyi, "Ngwapwa mukakunangula."

⁸³ Ambile ngwenyi, "Mukulwane Finney, ove unapu lunga wamunene, kaha ove ukwechi chuma chachinene cha Lizu, oloze ove unatondo Shipilitu Wajila. Etu tulinakukulombelako." Pwevo wamundende wamwaza.

⁸⁴ Shikaho ikiye ayile, nakutwalilaho. Shikaho kala likumbi ikiye kuya kunyima ya ufwishi, mukulwane wenyi navosena kuze ikiye azachilenga, kaha ikiye mwaya nakulovoka mu

ufwishi yenyi na kuya kuze nakulomba. Kaha likumbi limwe ikiye apwilenga kuze nakulomba kaha evwile nge vwochi. Ikiye ashinganyekele mukulwane wenyi apwile nakwiza, nakumutonda. Ikiye atumbukile washiwashi. Ikiye apwilenga nakuhanjika, “Mwata Kalunga, Ngwafwelela Ove.” Kaha evwile nge vwochi, ikiye akatukile, “Humm! Humm! Humm!” kukatuka kaha mabile ngwenyi, tala tala, mangana amone chize chapwanga nakulinga vwochi. Kaha chapwile lwola luze vene kupwa Kumeso a Kalunga. Ikiye atachikijile nge vwochi yikwechi punga. Ikiye emanyine kuze, masoji kuhita kumakili eyi. Ikiye ambile ngwenyi, “Pamo vakiko mapwevo vali vakwoloka. Nguli nasonyi hali muthuumwe kumona yami kuhanjika kuli Kalunga kami, oloze Nguli nakushinganyeka chapwile chakavumbi hali muthuumwe kungumona nakuhanjika kuli mwata wami. Omu wamunene apwa Mwata wami kuhambakana mukulwane wami wamilimo!” Ambile ngwenyi, “Mwata, ngukonekele yami na kunguzalisa hamwe na Shipilitu Wajila,” aputukile kutetumuka na kutambakana. Ikiye apwile Kumeso a Kalunga. Ikiye kuya nakushikumuka washi washi muufwishi wenyi. Ikiye atetumukile chikuma kuma kuya nakuchinyina kulipito, ambile ngwenyi, “Mwata, Nanguya nakuneha sonyi hali Ove. Ngusweke kunyima hano palanga Nangukawana hali echi.” Mthomwoika? Ikiye ejile Kumeso a Kalunga. Ikiye apwilenga mwom wakwalumuna. Kutangisa chize ikiye apwilenga na kunangula, ikiye anangwile vakiko kutangisa chochimwe na myono kwiza kukamenga. Talenu, ikiye apwilenga Kumeso a Kalunga.

⁸⁵ Moody, uze wamundende wakuwahisa jisapato, kuhona kutachikiza ABC. Chize chakwoloka. Hanjikiso yenyi yayipi. Muthuumwe amulwekele ikiye likumbi limwe, “Hanjikiso yove yakuhutwa, Mukulwane. Moody.”

Ikiye ambile ngwenyi, “Oloze Nguli nakungalanya myono na echi.” Shikaho . . .

⁸⁶ Likumbi limwe mu lipapilo lyamijimbu, uze mukakusoneka ayile nakusoneka lizelipapilo lyamijimbu. Ikiye ayile kuze nakumona omu uze ahashile kukwata mazavu avathu mwishi ya kala seteko, wamundende kashinakaji wamwaka, mutwe walyaja, kaha vyuma vyosena, kaha jikambu jakusukama nakushikumuka, kupwa nge nalijimo lyalinene, kaha ikiye apwilenga wamukalu kumutala. Shikaho eli lipapilo lyamijimbu lyamuhanyine ikiye kutona, ambile ngwenyi, “Kangweshi nakumona chuma mukaye kalamuthu nahase kumona muli Dwight Moody.” Ambile ngwenyi, “Ikiye wachihanga chachipi, lizu lyenyi kuhanjikila helu, ikiye akwechi jikambu jakusukama mbwe namumbunda, ikiye ali namutwe walyaja nge lipungu.” Kaha ambile ngwenyi, “Nachipwa ngachilihi muno mukaye mwahasa kalamuthu kuya nakumona kalachuma muli Moody?”

⁸⁷ Shikaho Moody fumbelo asolokele kumona echi, ambile ngwenyi, “Tala, Mukulwane. Moody, Nanguya nakukutangila echi ove.” Moody kahashile kulitachikizako. Shikaho ikiye ambile ngwenyi, “Nanguya nakumitangila kusoneka chenyi.” Kaha ikiye asonekele.

⁸⁸ Moody akatwile chindende mahye eyi, ambile ngwenyi, “Punduvene keshi ngachizeko, vakiko vejile nakumona Kulishitu.” Chize chapwile chosena. Mwomwoika? Ikiye apwilenga Kumeso a Kalunga. Kufuma hakutunga vilyachilo vya sapato, vya vathu mangana vavwale; ikiye kuvwika vathu na Mujumbu wamwaza wakulizanga. Mwomwoika? Ikiye apwilenga Kumeso a Kalunga. Chakwoloka.

⁸⁹ Pwevo wamundende lwola lumwe ejile Kumeso a Kalunga, nge ali namulonga nge omu nahase kupwa. Mulwola luze omwo ikiye atachikijile nge ikiye apwilenga Kumeso a Kalunga, kala shili vayikonekele kaha ikiye apwile utoma kaha utoma nge liya. Mamaah, lelo! Vangahi cheka Ngunahase kusanyika hano muli vathu, lwola kalweshi kungwitavilako.

⁹⁰ Oloze Ngwatondo kuhanjika chindende pamo amilyavene. Chumamuka chinahase kupwa chakushikumuka kuhambakana yami? Ngwapwilenga Kulihi? Lovoka fuma muchisaka chavitakwa, lovoka fuma muchisaka cha vikenya, lovoka fuma muchisaka cha vakakusekasana mwakuhenga. Kaha enu munatachikiza, enu vosena munatachikiza, munatachikiza muyachi wa lijina etu tukwechi. Vathu kavahanjikile kuli etu mujilako. Nanguya nakushikumuka, kuputuka kuhanjika kulinmthuumwe, naumwe pimbi kuhanjika kuli yami kuvangila mthuumwe kapwileko. Vakiko kuhanjika kuli yami, mthuumwe weka ejile, vakiko navaya nakunguseza. Kaha Nanguya nakwimana kuze na kulila, “Nduma, echi kacheshi ngochoko, kacheshi kuhasa kupwa ngochoko. Echi chakuhenga.”

⁹¹ Oloze likumbi limwe Ngwejile Kumeso a Kalunga. Ikiye angulumwine kaha angulingishile kupwa mwana weka. Likoji lyenyi lyangunehale Kumeso Eyi. Kanda lyehi ngutonde kuseza Echi. Ngunapunga muno jino ha myaka seti okwo. Kangwazangile kuseza Echiko. Ngukwechi kukunyuka nge Nanguya lwolalwosena kupwa Kuze. Numba kufwa chivene kacheshi kunguhandunako kufuma Kumeso Eyi. Nduma. Nanguya nakupwa na Ikiye hayamyaka. Omwo Ngwamwene Kupwa Chenyi lwola lwatete, Ngwatambakanyine nge Isaya, “Mamalelo yami.” Kahajino Ikiye angukwachile yami na likoju Lyenyi. Ngwapwile muthu wakwalumuna. Uze wamundende ndoji uze apwilenga nakufuma muno kaha kutwalilaho na vyumavimwe, apwile wakwalumuka, kaha kufuma haze jino Ngunapunga mwana Neyi. Kufuma haze jino, Ngunazange kuhana chiyoyelo chami chosena ha kutanga Chenyi, kachi Ngwapwanga na teni sauzande ya kuyoya hali Ikiye. Uze umwe

kupwa wamwaza wakuvwala kanawa jino, fifite seli ya myaka yinahichi. Pamo seti seli ya vaze vanapunga, mokomoko seti tu vaze vanapunga mu Mujimbu wamwaza. Ngwashinganyeka kachi Ngwapwanga na sauzande yeka ize Ngunahase kwenyeka. Mwomwoika? Omu Ngwejile Kumeso Eyi kaha ngwatachikijile nge kuze kwapwilenga Muthuumwe Uze azangile vaze vakuhona kuzanga, kuze kwapwilenga Muthumwe anguzangile omu naumwe pimbi nawa alingile, kuze kwapwilenga Muthuumwe Uze anguzakaminyine oho naumwe pimbi anguzakaminyine. Ngwahakile mavoko ami kukulusu Yenyi, Ngwayikumbachile, kaha yami na Ikiye ejile nakupwa umwe. Kaha kufuma hano jino Ngwamuzangile Ikiye. Ikiye ahakile ulombo wenyi hatulo yami na muchima wami na Manyinga Eyi, ha kungukwata na kukonekela jishili jami, kaha Ngunawahilila ufukuuno kupwa umwe wa Ikiye. Kanda lyehi ngufwile kuseza chihela cha Mwilu, chipwe mukakungweseka kungushinjila yami nge omu esekele; oloze Ngunapu wakukingiwa musenge ya Kalunga, kaha wakuwahilila mu zangi Yenyi na likoji, kaha Nguli nakuyoya nakutwalilaho kusali ya Heleluya. Yami! Echi cheji kungulingisa muchima wami kuwahilila.

⁹² Nguli nakwinjikiza Ikiye kuli kala muthu wakuzeya. Nguli nakwinjikiza Ikiye kuli enu nge munazeneka kupwa na lutalililo. Ove kanda lyehi upwenga Kumeso Eyi, chuma chimwe kaha ove watela kulinga shina kulikonekela jishili jove na kutachikiza nge ove unahenge, kaha Kalunga atwama na uze Kangelo vatongola ufukuuno, vavuluka kupwa Shipilitu Wajila, uze mwaya nakumbata jishili jove nakujifumisako. Jino ove muya na kulila, “Mwata, Yami uno hano, ngutumenu.” Kahajino enu namuya nakukatula mavoko enu na kwimba, “Nanguya nakumwalisa Ikiye! Nanguya nakumwalisa Ikiye! Kwalisa mwana Mukoko wakujiha. Muhane Ikiye upahu, enu vathu vosena, mwomwo Manyinga Eyi anakoso mapenga osena.” Ngwamuzanga Ikiye. Keshi ngochoko? Kuyoyela Kumeso Eyi!

⁹³ Nguneza kukamenga hano na chimene, kwivwa kupihya chikuma nakuviza kufuma. . . Ngwa—Ngwapwile ku Kentucky mulungu unahichi na masepa jami vamwe vanatwame hano. Kachi Ngwatwamine kuze nakushimbula, vakiko navaya nakungujiha, vakiko punduvene navaya, na likoji, vamwe vaze vamwaza kuteleka vaze kandalyehi Ngutachikize mu chiyoyela chami. Kaha omu Nanguheta museteko yami, kupwa wakuzala chikuma, “Ndumbu walunga Branham, kaweshi kuhasa kupwa na eviko?” Kaha chinapu kaha chamwaza, Nguneseka kuchihokola hamavu. Ngukwechi wakuzala Kangwawashile numba kutambukako. Kangweshi—Kangwawashile kusavalako, kaha Nanguya nakulovoka na kutambuka nakujinguluka chindende. Kaha Kangwapwile nakwivwa kanawako omwo Ngwengilile hano chimene chino. Oloze lwola lumwe omu Ngwejile nakwingila Kumeso Eyi, chize chakumine. Chize

chakumine, chize chahichile. Echi chakwoloka. Mamalelo, kuyoya Kumeso Eyi!

Nanguya nakumwalisa Ikiye, Nanguya
nakumwalisa Ikiye,
Kwalisa mwana Mukoko wakujihila hali
mukashili;
Muhane Ikiye upahu enu vathu vosena,
Mwomwo Manyinga Eyi anakoso mapenga
osena.

Echa tunongamenu mitwe yetu jino.

[Ndumbu walunga Branham kungunguta Nanguya *Nanguya Nakumwalisa Ikiye*—Muka.]

Mwomwo Ikiye nalingi chikuma kuli yami;
Ikiye angukonekelele kuzombojoka chami
jishimbi;
Kaha Manyinga Eyi anakoso shili jami.
Nanguya nakumwalisa Ikiye, Nanguya
nakumwalisa Ikiye,
Kwalisa mwana Mukoko wakujihila hali
mukashili;
Muhane Ikiye upahu enu vathu vosena,
Mwomwo Manyinga Eyi anakoso mapenga
osena.

[Ndumbu walunga Branham kungunguta Nanguya *Nanguya Nakumwalisa Ikiye*—Muka.]

⁹⁴ Jino kachi ove uli hano ufukuuno. . . Kaha Ngunatachikiza Kupwa Chenyi hano. Kwimana kuze kunyima chindende, ku Liuka lyalindende Iya Kalunga kanyike wapwevo, uze Shipilitu Wajila atambukile muli yami omwo Ngwapwile nakulombela uze mwana wamundende. Vaze visemi vejile nakushikumuka kufuma muchivaza cha Anderson Church of God. Kaha uze mbishopu kuze, hakutachikiza mwana, mandotolo vambile ngwavo “munahase. . . ou atela kufwa vene, na mululuma.” Uze wamundende, kanyike wapwevo wamundende, haseteko yenyi yamakumishilo jino. Ikiye kwiza nakukinduluka kaha kunguhana livoko Iyenyi mulivoko Iyami, lyosena Iyakujimba, na jindongo na vyuma vengishilemo, kaha kupwa Iyausombo. Ngwatalile hali ikiye, Ngwamwene chimweno. Vaze visemi vapwile nakutanga mukanda kuze. Vakiko vatachikijile chuma chimwe hali chize. Uze mbishopu wamukulwane muze muchilombo avalwekele, ambile ngwenyi nehenu owo mwana kuno. Vakiko vatondele kukinduluka omwo etu twapwanga na kutanga cha kuka. Kaha Ngwambile ngwami, “Kuneha mwana jino,” ngwevwile kutwaminyina.

⁹⁵ Omwo Ngwapwile ngunemana muze vene, Shipilitu Wajila ayile kunyima na kuneha mujimbu wamwaka wa mwana. Kulweka omu chasolokele, chumamuka vakiko valingile.

Kulweka kanyike wapevo wamundende kufwila chenyi, chapwile kupwa mukakwimba kalyalya. Kaha uze mama apwile vene atambakanyine. Kaha uze tata ngwenyi, “Ou ukiko muchano wa Kalunga.” Kutwama hazevene muze mumotoka jino kwivwulila kuli chize, kangwahashile kwingilamoko, kutwama muze na kwivwulila kuli echi jino.

⁹⁶ Kwejile lihina lyalinene lya muvwimbimbi kusukama hali mwana. Kaha Ngwambile ngwami, “Satana, ove vakuhonesa.” “Ove kaweshi nakalemesako ka muthu ko, Kalunga. Kaha ha ngolo ja kusanguka Chove, kaha nge ngamba Yove, Ngunakwendesa ou liyavolo kufuma kuli mwana.” Kumunyika chachinene kumunyika kusoloka helu lya ikiye, chapwilenga kuze. Amena. Huu? Punduvene, Ikiye ali wakatela kwalisa!

⁹⁷ Ikiye atachikiza vyuma vyosena. Ikiye atachikiza muchima wove. Kaha munatachikiza chuma muka ove uli nakushinganyeka; Ikiye eji kulinga, nawa. Kachi kuli shili yayindende yilinakusukama hali ove ufukuuno, kaha ove kaweshi kutonda kuya Kumeso a Kalunga na chize hali ove, munahase cheka kuzundula mavoko enu na kuhanjika, “Ndumbu walunga Branham, ngulombelele, Ngwatondo kupwa Kumeso Eyi hali lize Likumbi, kuhona kupwa wakuzeneka mulonga.” Kalunga akukisule. Mavoko amavulu, Kalunga eji kumona chize. Kumeso Eyi. Jino Nanguya nakumilweka chumamuka enunamulinga. Jino iwvulilenu kaha kanawa. Mwazanga muze alingile Ndavichi, haka Mwata kumeso ove jino. Haka Mwata mukachi kove na shili, kala shili yayindende yejikukulemuwisanga. Ize yinahse kupwa makuli, pamo kwiva, yinahase kupwa kushinganyeka vyavipi, yinahase kupwa matoto, yinahase kupwa kunwa, pamo kunwa makanya, pamo wiji wakusekasana. Ngunahono kutachikiza chumamuka. Chinahase kupwa nalwiso. Chinahase kupwa kalachuma. Ngunahono kutachikiza chuma muka echi. Kalachuma chili, kuhaka Mwata kumeso enu. Kaha jino muchima wove nauya nakuwahilila, kaha nyama yove nayiya nakunoka mulutalililo, mwomwo munatachikiza nge Kulishitu ashikile Ikiye mwakaya nakusangula cheka mumakumbi akumakumishilo. Omwo Ikiye mwakeza nakulovoka, etu natuya nakwiza mukufwana Chenyi. Kaweshi kuhasa kulinga echiko jino, shimbu etu natulomba?

⁹⁸ Ove Tata wa Mwilu, kupwa wakateta chindende na Mujimbu wakufuma kuli ou ngamba yove wakuzeya. Oloze kushinganyeka ha mutwe wachihande wa “kutwama Kumeso a Kalunga.” Kaha etu twamono ufuku uno chumakana chize vanambate malunga vakujila kwiza Kumeso Ove, chumakana chinapunga hali vakiko. Vakuwahilila, tupolofweto vavanene vangolo vakutongola kuli Kalunga, kaha vakutuma kunangula eli Lizu, kaha ohonyi kuliwana na Ikiye meso na meso na kuholoka hamavu nge muthu wakufwa. Natuya nakulinga ika hali lize likumbi, Mwata? Etu tuli nakushinganyeka hali chize.

Etu tunapunga nakushinganyeka echi. Mavoko amwe fwote mokomoko fifite anapunga nakushinganyeka, Mwata, vakiko vazundwile kaha mavoko avao, mokomoko michima ili mwishi yamavoko avo, vanapunga nakushinganyeka pamo kuliwana na Ikiye kufuma haze tunapunga nakuhanjika. Chumamuka vatela vakiko kulinga hakuliwana na Ikiye?

⁹⁹ Mavoko ami, Mwata, ali helu. Chuma muka Nanguya nakulinga? Jino, Tata, Ngukwechi vyuma vyavivulu vize Ngunalingi mwakuhenga. Ngunalikonekela shili jami chimene chino shimbu kanda liuka, nge omu Ngwetavile kuli Ove helu haze hapili chimene chikwavo omu kwapwile nakuhuhwa peho na mumbundu, kaha kukanduka kuze helu lya pili, omu Ngwatambakanyine kaha kukulomba Ove kungukonekela yami hauleya wami. Kaha omu Ngwashikile kwiza kumeso avandumbwami, ava vamwe vangumona nge ngukapolofweto ngamba Yove. Kaha, Mwata, omu Ngwajinda kwiza kumeso avakiko na kuvalweka uleya wavilinga vize nge Ngunahase kulinga ngachize, oloze, Kalunga, echi chinapu chamwaza hamwono wami nge Ngunetavila jishili jami kaha kangweshi kujisweka kuli vakikoko. Shikaho pwenu vakushishika na Enu, kaha hazevene kumeso avathu, Ngunalikonekela, Mwata. Nguli wakuhenga, Nguli hamwe wakuhenga. Ngwalombo kukonekela.

¹⁰⁰ Kaha jino, Tata, Ngunapunga wakukundamina hali Ove, kukuzachila Ove, lwolalwaluvulu pamo Ngwayilenga nakushimbula omu Ngwahonene kulinga chize. Tata, Ngunetavila jishili jami. Ngwatondo Kangelo ka Kalunga kungukosa yami kufuma muli chize, ha Manyinga a Yesu. Mavoko akwavo anazunduka ufukuuno, vamwe vavo pamo kavahulile kukonekelako shimbu kanda; oloze Ngunakunyuka hali echi chuma chimwe, kachi etu natuya nakulikonekela jishili jetu, Kalunga mwaya nakuvijima, kuvihaka mukalungalwiji wakuvulyama kaha keshi kavyanukako cheka—chekako. Kaha, Tata, shimbu Nguli nakulikonekela jami, pamo kuzeneka kuyoya chakutela kumeso avathu, Kangwayoyele amilyavene nge ngamba ya Kulishituko. Kangwashileko. Ngwapwile nawoma nge pamo muthu mwapihilila hali ymai na kushinganyeka nge Kangwazangile kukolesa kwivwa chenyi, oloze Kangwashinganyekele chuma muka Ngwapwile nakulinga kuli Ove, Mwata. Kaha jino Ngwa—Ngwalombo nge Ove mungukonekela. Kaha jino, Tata, Ngunatachikiza nge kachi Ngwalombo kukonekela Ngunakonekela, kaha Ove unavihake mukalungalwiji wakuzenaka kwanuka, kaha Ove muya nakwanuka nge keshi chekako. Kalunga, Ngunasakwilila hali chize.

¹⁰¹ Kaha Ngwalombo nge Ove muya nakwecha kala muthu hano, uze akwechi shili, shili yakulemuwisa ya kalachuma kumeso avo, echa vakiko vayifumise na kuhaka Mwata kumeso avo nge muze alingile Ndavichi. Mwomwo jino

etu tweji kutambakananga, “Mamalelo yami, mwomwo Ngunamono Upahu wa Kalunga. Ngwapwa lunga wa mivumbo yayipi, mokomoko pwevo mokomoko kanyike wapwevo wa mivumbo yayipi, kanyike walunga, mokomoko chumachimwe.” Kalachuma etu tunahase kupwa, etu tunapu vavapi, kaha etu twalombo hali Manyinga a Yesu Kulishitu, kwinjikiza Mulambu, kutukosa etu kufuma kushili josena, mangana etu tutwame Kumeso Eyi. Echa tuyenu hano ufukuuno na michima yetu kuwahilila, kaha nyama kunokela mu lutalililo, kutachikiza echi, nge omwo Yesu mwakeza, etu natuya nakumusangula na Ikiye mukufwana Chenyi, kaha natukaliwana na Ikiye muutangatanga, muze Mukuhukula, nge kulava chakushikumwisa chinakumu. Etu twamono chisemunuino cha liuka lya muchitanu nakavali kupwa wakulava, kaha etu tuli vakulizanga jino kufumisa. Etu twalombo, Kalunga, nge Ove, shimbu kanda Ove kusoka chikolo, kachi kuli umwe hano ufukuuno kanda lyei ezenga nakwingila, echa vakiko vazangule vene washi washi, mwomwo etu tuli nakwivwa nge chikolo cha keke, mukachi ka keke na kusopesa, vali nakuchisoka. Vaze navaya nakutambula keke naveza nakwingila. Vaze navahona kwiza navaya nakuyanda nakukasopesa. Kalunga kusoka chikolo. Echa kuze kuhonowe chikolo chakusoka ufuku uno kuli kala umwe hali ava vanetavila jishili javo. Echa etu vosena vanatukonekela na keke. Mu Lijina lya Yesu Kulishitu.

¹⁰² Kaha jino, Tata, hali vakakuviza na vali nakuyanda, mwomwo vaze vali nakutonda, Ngwalombo nge likoji Lyove naliya nakuvahana vyosena vakiko vanatondo. Echa vakiko vengile muli Kulishitu, kwingila Kumeso Eyi. Chihela Kulishitu, Kulishitu, lushiko, “Ikiye vamulemekele ha milonga yami yashili, ize ikiko shili jami. ‘Na mikiki Yenji Ngunahinduka,’ kahajino Nguli nakuhaka Mwata shimbu kanda misongo yami. ‘Ikiye ali kulivoko lyami lyachilyo, kaha Kangweshi kunungulukako,’ kahajino Nangutambuka kumika, kwitavila nge Ngunahinduka. ‘Ha mikiki Yenji Ngunahinduka.’” Tuhane echi, Mwata, kuli vosena. Kaha etu tunatachikiza nge kachi etu natulikonekela na michima yetu, mokomoko na mivumbo yetu, kaha kufwelela mumichima yetu, kahajino etu natupwa na kufwila chetu.

¹⁰³ Ove wambile ngwove, “Nge nauhanjika kala chuma, fwelela nachiza nakuhita, ove muya nakutambula ovyo unahanjika.” Etu twafwelela chize, Tata, na kufwelela nge Ove muya nakutukosa etu kufuma kushili josena, kaha hindula vakakuviza vosena, kaha tuhane likoji, Mwata, kuzachila Ove.

¹⁰⁴ Pwenu na ava vathu. Vavavulu muli vakiko vali nakuya nakutambuka mujila ya milima ufukuuno. Vavavulu muli vakiko navaya nakutambuka milosi. Kanda kwecha chuma nachisoloka kuli vakiko, Mwata. Vakiko kwiza nakuhita lifuchi

kutwama hano nakwivwulila chize kulava nakushikumwisa, kumona omu tuli hakamwihi na makumishilo alwola. Jino Ngunavahulu vakiko kuya nakufumako, kuhaka Kalungakumeso avo, lwolalwosena kumeso avo, shimbu kanda kala chuma nawa. Shimbu kanda mushipili wavo, shimbu kanda kutambuka, shimbu kanda... shimbu kanda vakiko vakatuke, hanyima vakiko kuya mukahela, lwola lwosena shimbu kanda vakiko kusavala, kala kwosena chili, kuhaka Kalunga chatete! “Mwomwo Ikiye ali kulivoko lyami lyachilyo, kaha Kangweshi kunungulukako.” Jino echa michima yavo kuwahilila, kutachikiza nge vakiko navatambula vize vakiko valombanga, mwomwo Kalunga ashikile echi, kaha nyama yavo nayikatwama mu lutalililo. Tuhane echi, Mwata, mwomwo etu twalombo echi mu Lijina Iya Yesu Kulishitu. Amena.

Nanguya nakumwalisa Ikiye, Nanguya
nakumwalisa Ikiye,
Kwalisa mwana Mukoko wakujihila hali
mukashili;
Muhane Ikiye upahu enu vathu vosena,
Mwomwo Manyinga Eyi anakoso mapenga
osena.

¹⁰⁵ Jino enu mwafwelela nge namuhaka Mwata mukachi kenu na shili jenu, mukachi kenu na misongo yenu, mukachi kenu na mulonga wove, mukachi ka enu na jijila jenu? “Ou Mwata lwola lwosena kumeso ami, kaha Nguli Kumeso Eyi. Lwola lukwavo Nanguputuka kuwika likanya, Mwata ali kumeso ami. Lwola lukwavo Nanguputuka kwivwa lwiso, Mwata ali kumeso ami. Lwola lukwavo Nanguputuka kwambulula chakuhenga, Mwata ali kumeso ami. Lwola lukwavo Ngwaputukile kuhanjika chuma chachipi, Mwata ali kumeso ami. Kaha Kangweshi kunungulukako. Amena. Nanguya nakuyoya Kumeso Eyi hakumbi, na kuzata chami, hakumbi na kuhanjika chami. Nanguya nakutambuka nge kachi Mwata ali kumeso ami, mwomwo ufukuuno Ngunamuhake Ikiye kumeso ami. Kangweshi kunungulukako.” Ove wamuzanga Ikiye?

¹⁰⁶ Jino, echa twimanenu jino. Mamalelo, Nguli kaha nakwivwa kanawa. Nguli kaha nakwivwa nge Kangwatondele kuya kwimboko. Kaha munatachikiza echi chili ha minyutu twende faifi palanga naine, Nguli pamo jiola jivali ja kuputuka. Echi kacheshi chamwazako? Mamalelo, yami! Oloze jino shimbu etu natuseza, echa anuka, etu twatela kumbata Lijina Iya Yesu na etu, nge kupwa lukepwe kufuma muheto. Kaha omu vyeseke navingujingilika... kweseka kutulingisa kwanuka vize, hwiminakaha Lijina Iyove Iyajila mukulomba.

Mbata Lijina Iya Yesu na yove,
Mwana waushona na mamalelo;
Echi nachikuhana kuwahilila na kuvendejeka,
Mamalelo, limbate kwosena okwo ove muya.

Lijina lya Mwaza, (Lijina lya Mwaza!) Ove omu
 lyayema!
 Lutalililo lwa mavu na kuwahilila cha Mwilu;
 Lijina lya Mwaza, (Lijina lya Mwaza!) Ove omu
 lyayema!
 Lutalililo lwa mavu na kuwahilila cha Mwilu.

¹⁰⁷ Vangahi valikanyine kafunga ketu, Ndumbu walunga Neville? [Chikungulwilo ngwacho, “Amena.”—Muka.] Ove kaweshi kusakwilila kuli Mwata ha kuwaha, wakushishika, kala muthu, afwelela Mujimbu wamwaza? [“Amena.”] Kaha ikiye ali nakulinga mulimo kana wamwaza ha Jishimbi ja Kalunga, kaha kunangula eli Lizu na kulama echi chiyoyelo chachinene muliuka lwola lwosena. Anuka, Nguneza nakushikumuka ku Kungenge ya Kumututuko, kuya nakuzauka ku South, kaha Kungenge ya Kumulauko, na kuhichila mu Canada, kaha Kangwaliwanyine na liuka limwe lize lili mushipilitu nge lino liuka hano. Vakiko vayile mumbuto, yaa, chipwe kuzaluka, mokomoko chipwe kuya nakufuma mukuhizumuka, chipwe kupwa vatuta chikuma nge kaveshi kuhasa kutambukako. Muze mukiko kaha.

¹⁰⁸ Jino, enu mwamuzanga umwe namukwavo? [Chikungulwilo ngwacho, “Amena.”—Muka.] Mamalelo, kulimeneka mumavoko na umwe namukwavo, kaha kuhanjika, “Mwata va Mwalise.”

¹⁰⁹ [Ndumbu walunga Branham kuhaka mavoko na vathu—Muka.] Mwata va Mwalise. Mwata va Mwalise. Mwata va Mwalise. Mwata va Mwalise, ndumbu wapwevo. Mwata va Mwalise. Kuwahilila ove wapwanga hano, ndumbu walunga. Mwalise Mwata, ndumbu wapwevo. Kalunga akukisule. Chosena chakwoloka. Kalunga akukisule. Etu natuya. Kalunga akukisule. Ngunatachikiza chuma ove unatondo. Kalunga akukisule. Kalunga akukisule.

Mbata Lijina lya Yesu na yove,
 Nge Lukepwe kufuma mukala muheto;
 Omwo vyeseko vyakujiinguluka
 kukukunguluka, (Chuma muka ove
 mulinga?)
 Hwima eli Lijina lya jila mukulomba.
 Lijina lya Mwaza, (Lijina lya Mwaza!) Ove omu
 lyayema! (Ove omu lyayema!)
 Lutalililo lwa mavu na kuwahilila cha Mwilu;
 Lijina lya Mwaza, (Lijina lya Mwaza!) Ove omu
 lyayema!
 Lutalililo lwa mavu na kuwahilila cha Mwilu.

¹¹⁰ Echa tunongamenu mitwe yetu jino. Wamwenemwene wamuvwovu, echa tuhona kuvulyama chize jino. Echa twimbenu eyi vasi cheka.


Mbata Lijina lya Yesu na yove, (Ika?)

Kupwa Lukepwe kufuma kukala likonga;
(Omu Satana mweseka kukutela likonga.)

Omwo vyeseke vyakujinguluka
kukukunguluka, (Chuma muka ove
mulinga?)

Hwima kaha lize Lijina Lyajila . . . (“Mwomwo
Mwata ali kumeso ami; Kangweshi
kunungulukako!”)

Lijina lya Mwaza, (Lijina lya Mwaza!) Ove omu
lyayema!

Ndumbu walunga Neville. 

62-0909^E Kupwa Kumeso Eyi
Branham Tabernacle
Jeffersonville, Indiana U.S.A.

LUVALE

©2025 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org